

6


T Chinese

Vol. VI

馬元臺
張隱庵

合註素問靈樞

錦章圖書局
印行



錢塘張隱菴
會稽馬元臺兩先生合註

同學高世拭士宗參訂

門人王弘義子芳
黃紹姚載華校正

本藏第四十七

內推本藏府吉
凶善惡故名篇

黃帝問於岐伯曰。人之血氣精神者。所以奉生而周於性命者也。經脈者。所以行血氣而榮陰陽。濡筋骨利關節者也。衛氣者。所以溫分肉。充皮膚。肥腠理。司開闔者也。志意者。所以御精神。收魂魄。適寒溫。和喜怒者也。是故血和則經脈流行。榮覆陰陽。筋骨勁強。關節清利矣。衛氣和則分肉解利。皮膚調柔。腠理緻密矣。志意和則精神專直。魂魄不散。悔怒不起。五臟不受邪矣。寒溫和則六府化穀。風痺不作。經脈通利。肢節得安矣。此人之常平也。五臟者。所以藏精神血氣魂魄者也。六府者。所以化水穀而行津液者也。此人之所以具受於天也。無智愚賢不肖。無以相倚也。然有其獨盡夭壽。而無邪僻之病。百年不衰。雖犯風雨。卒寒大暑。猶有弗能害也。有其不離屏蔽室內。無怵惕之恐。然猶不免於病。何也。願聞其故。岐伯曰。審乎哉問也。五臟者。所以參天地。副陰陽。而運四時。化五節者也。五臟者。固有小大。高下。堅脆。端正偏傾者。六府亦有小大。長短。厚薄。結直。緩急。凡此二十五者。各不同。或善或惡。或吉或凶。請言其方。

上章論在外之皮膚肌膜。因剛柔厚薄而生。此章論在內之五臟六府。有大小高下。偏正厚薄。之不同。亦因形而生。病也。夫榮衛血氣藏府之所生也。脈肉筋骨藏府之外合也。精神魂魄五臟之所藏也。

水穀津液六府之所化也。是以血氣神志和調。則五臟不受邪。而形體得安然。又有因於藏府之形質。而能長壽不衰。雖犯風雨寒暑。邪勿能害者。有外不離屏蔽室內。內無怵惕之恐。然猶不免於病者。此緣藏府有大小厚薄之不同。致有善惡。吉凶之變異。蓋五臟六府本於天地。陰陽四時五行之氣。而成此形。故宜中正堅厚。以參副天地陰陽之正氣。

此詳人之易感於邪者以藏府之有善惡吉凶也善惡以體言吉凶以病言下文正詳言之

心小則安邪弗能傷易傷以憂心大則憂不能傷易傷於邪心高則滿於肺中使而善忘難開以言心下則藏外易傷於寒易恐以言心堅則藏安守固心脫則善病消瘴熱中心端正則和利難傷心偏傾則操持不一無字司也

張心小則神氣收藏故邪弗能害小心故易傷以憂也心大則神旺而憂不能傷大則神氣外弛故易傷於邪也肺者心之蓋故心高則滿於肺中在心主言在肺主聲滿則心肺之竅閉塞故悶而善忘難開以言也經云心部於表故心下則藏外易傷於寒心卑下故易恐以言也心堅則藏安守固心脫則善病消瘴熱中按邪氣藏府篇五藏脈微小為消瘴蓋五藏主藏精者也五藏既弱則津液微薄故皆成消瘴心正則精神和利而邪病難傷心偏傾則操持不一無字司也

此言心有善惡吉凶也心之小者則安外邪弗之能傷但內有所憂則易傷耳蓋心小者必多憂所以憂易傷之耳若心大則憂不能傷而外邪反易傷之矣心之高者則心上之為肺當滿於肺中肺與心相着乃多煩悶而心竅不通必為健忘及難以善言開之也若心下則易傷於寒及易以言恐之矣心之堅者則藏安守固凡外邪不能入內憂不能恐若心脫則善病消瘴熱中多內傷之病矣心之端正者則和利難傷凡外邪不能入內憂不能傷若心偏傾則其人操守不一無所守司由此觀之則心宜不大不小不高不下堅而不脫正而不偏斯謂之善也而可以免凶病矣下文肺肝脾腎亦猶是耳

肺小則少飲不病喘渴肺大則多飲善病胸痺喉痺逆氣肺高則上氣喘息效肺下則居賁迫肺善脇下痛肺堅則不病效上氣肺脆則苦病消瘴易傷肺端正則和利難傷肺偏傾則胸偏痛也

張肺主通調水道故小則少飲大則多飲肺居胸中開竅于喉以司呼吸故小則不病喘渴大則善病胸痺喉痺肺主氣故高則上氣息肩而效也賁乃胃脘之賁門在胃之上口下則肺居賁間而胃脘迫肺血脈不通故脇下痛脇下乃肺脈所出之雲門中府處也肺堅則氣不上逆而效肺脆則苦病消瘴而肺易傷也肺藏氣氣金魄肺端正則神志和利邪勿能傷肺偏傾則胸偏痛也

肝小則藏安無脇下之痛肝大則逼胃迫咽迫咽則苦膈中且脇下痛肝高則上支賁切脇悅為息賁肝下

賁賁

肺傷者肺燥也

悅同咽從胃

上膈而出喉肝
在膈之下
此道
在胃脘
間故咽
則苦膈
中
本侵上
故上迫
胃咽
魂總志
意乃五
藏之神
眇音秒
與秒同

則逼胃。膈下空。膈下空。則易受邪。肝堅。則藏安。難傷。肝脆。則善病消瘴。易傷。肝端正。則和利。難傷。肝偏傾。則膈下痛也。

注肝居膈下。故小則藏安。而無膈下之痛。肝居胃之左。故大則逼胃。而胃脘上迫於咽也。肝在膈之下。故大則苦於膈中。且膈下痛。肝脈貫膈。上注肺。故高則上支。責切。膈挽。為息。責。肝居胃旁。故下則逼胃。而膈下空。則易受於邪。蓋膈乃邪正出入之樞部也。肝堅。則藏安。難傷。脆。則善病消瘴。而易傷也。肝藏血。血含魂。端正。則神志和利。偏傾。則膈痛也。

註此言肝有善惡。吉也。肝之高者。則其經脈所行及所謂支別者。上奔迫。切膈。下多悶。當為息責之證。按素問刺禁論云。肝生於左。至正。要大論。王註言。肝居下左。則肝生於下。胃當在上。何為能下逼於胃。意者在左為肝。在右為脾。肝與脾並。故可以言下通於胃也。則王氏言。肝生下左者。謬矣。

脾小。則藏安。難傷於邪也。脾大。則苦湊眇而痛。不能疾行。脾高。則眇引季脇而痛。脾下。則下加於大腸。下加於大腸。則藏苦受邪。脾堅。則藏安。難傷。脾脆。則善病消瘴。易傷。脾端正。則和利。難傷。脾偏傾。則善滿善脹也。

註脾為中土。而主於四旁。故小則藏安。而難傷於邪也。脾居於腹。在膈骨之秒。故大則苦湊眇而痛。脾主四支。故不能疾行也。膈在眇之上。故高則眇引季脇而痛。下則加於大腸。加於大腸。則藏苦受邪。蓋藏虛。其本位也。脾堅。則藏安。難傷。脾脆。則善病消瘴。而易傷也。脾藏意。意含榮。端正。則神志和利。偏傾。則善滿善脹也。

註此言脾有善惡。吉也。眇。膈下軟肉處也。

腎小。則藏安。難傷。腎大。則善病腰痛。不可以使仰。易傷。以邪。腎高。則善背脊痛。不可以使仰。腎下。則腰尻痛。不可以使仰。為狐疝。腎堅。則不病。腰背痛。腎脆。則善病消瘴。易傷。腎端正。則和利。難傷。腎偏傾。則苦腰尻痛也。

註此言腎有善惡。吉也。凡此二十五變者。人之所苦常病也。

背脊在腰之上
尻在腰之下

聾音結
聾音干

疏當作
疎

散音交

張夫藏者藏也故小則藏安難傷大則善病腰痛乃腎之府也夫腰脊者身之大關節也故腰痛背脊痛腰尻痛皆不可以從仰腎附於腰脊間故病諸痛也孤症者偏有大小時時上下孤乃陰獸善變化

精舍志藏體端正則神志和利而難傷偏傾則苦腰尻痛也夫身形五藏之外合也皮薄理疏則風雨寒暑之邪循毫毛而入腠理以病形蓋六氣之容於外也如在內之藏形薄脆偏傾則人之所苦常病者五五二十五變病也

註馬此結言五藏二十五異者人之苦於常病也二十五異者曰小大曰高下曰堅脆曰端正曰偏傾也五藏則為二十有五矣

黃帝曰何以知其然也岐伯曰赤色小理者心小粗理者心大無聾肝者心高聾肝小短舉者心下聾肝長者心下堅聾肝弱小以薄者心脆聾肝直下不舉者心端正聾肝倚一方者心偏傾也

張小理者肌肉之文理細密粗理者肉理粗疏大肉肥肉五藏之所生也故候肉理之粗細即知藏形之大小聾肝胸下蔽骨也本經曰膏人縱腹垂腴肉人者上下客大蓋人之肥肉本於藏府募原之精液

以資生募原者藏府之膏盲也五藏之精液溢於膏盲而外養於肥肉是以五藏病者大肉陷下破爛脫肉

註馬此言欲知心之善惡吉凶當驗之色理與聾肝也聾肝者胸下蔽骨也

白色小理者肺小粗理者肺大巨肩反膺陷喉者肺高合腋張脇者肺下好肩背厚者肺堅肩背薄者肺脆背膺厚者肺端正脇偏疏者肺偏傾也

張肺居膺之內脇腋之下故視其肩背膺腋即知肺之高下堅脆偏傾俯仰之曰肺屬天而華蓋於上背為陽而形身之上也故肺俞出於背脊○宋永年曰脈要精微論云尺內兩旁則季脇也尺外以候

腎尺裡以候腹中推而外之內不外有心腹積也推而內之外而不內身有熱也蓋形身之上下即藏府所居之外候也

註馬此言欲知肺之善惡吉凶當驗之色理肩背膺腋喉脇之類也

青色小理者肝小粗理者肝大廣胸反散者肝高合脇克散者肝下胸脇好者肝堅脇骨弱者肝脆膺腹好相得者肝端正脇骨偏舉者肝偏傾也

張敬者胸膈交分之扁骨內膈前連於胸之膈尾旁連於膈後連於脊之十一椎。肝在膈之下故廣胸反別貫膈故膈腹好相得者肝端正也

馬此言欲知肝之善惡吉凶當驗之色理胸散膈腹之類也

黃色小理者脾小粗理者脾大揭唇者脾高唇下縱者脾下唇堅者脾堅唇大而不堅者脾脆唇上下好者脾端正唇偏舉者脾偏傾也

張倪氏曰唇者脾之候故視唇之好惡以知脾藏之吉凶

馬此言欲知脾之善惡吉凶當驗之色理與唇也

黑色小理者腎小粗理者腎大高耳者腎高耳後陷者腎下耳堅者腎堅耳薄不堅者腎脆耳好前居牙車者腎端正耳偏高者腎偏傾也

馬此言欲知腎之善惡吉凶當驗之色理與耳也

凡此諸變者持則安減則病也

張倪氏曰耳者腎之候故視耳之好惡以知腎藏之高低偏正凡此諸變者神志能持則安減則不免於病矣

馬此結言上文二十五異者善於持守則安而持守之功減則不免於病也

帝曰善然非余之所問也願聞人之有不可病者至盡天壽雖有深憂大恐怵惕之志猶不能減也甚寒大熱不能傷也其有不離屏蔽室內又無怵惕之恐然不免於病者何也願聞其故岐伯曰五藏六府邪之舍也請言其故五藏皆小者少病苦焦心大愁憂五藏皆大者緩於事難使以憂五藏皆高者好高舉措五藏

皆下者。好出人下。五藏皆堅者無病。五藏皆脆者不離於疾。五藏皆端正者。和利得人心。五藏皆偏傾者。邪心而善盜。不可以為人平。反覆言語也。

張倪冲之曰。此總結五藏之形不同。而情志亦有別也。五藏者所以藏精神血氣魂魄志意者也。故小則血氣收藏而少病。小則神志畏怯。故苦焦心大憂愁也。五藏皆大者。神志充足。故緩於事。難使以憂。五

藏皆高者。好高舉。措五藏皆下者。好出人下。此皆因形而情志隨之也。和于中則善于外。故得人心。善盜者。貪取之小人。語言反覆。不可以為平正人也。

馬此言人有病有不病者。以五臟之有善惡吉凶也。

黃帝曰。願聞六府之應。岐伯答曰。肺合大腸。大腸者皮其應。心合小腸。小腸者脉其應。肝合胆。胆者筋其應。脾合胃。胃者肉其應。腎合三焦。膀胱三焦膀胱者。腠理毫毛其應。

張倪氏曰。五藏為陰。六府為陽。藏府雖相合。五藏內合六府。六府外應于形。身陰內而陽外也。故視其外合之皮。脉肉筋骨。則知六府之厚薄長短矣。腎將兩藏。一合三焦。一合膀胱。

馬此言五藏與六府相合。而亦有知六府之法也。腎合三焦者。左腎合膀胱。右腎合三焦也。

黃帝曰。應之奈何。岐伯曰。肺應皮。皮厚者。大腸厚。皮薄者。大腸薄。皮緩腹裡大者。大腸大而長。皮急者。大腸急而短。皮滑者。大腸直。皮肉不相離者。大腸結。

張倪氏曰。五藏內合六府。外應於皮。脉肉筋骨。是以肺應皮。而皮厚者。大腸厚。皮薄者。大腸薄。藏府之形。氣外內交相輸應者也。

馬此言欲知大腸當驗之皮也。

心應脉。皮厚者。脉厚。脉厚者。小腸厚。皮薄者。脉薄。脉薄者。小腸薄。皮緩者。脉緩。脉緩者。小腸大而長。皮薄而脉冲小者。小腸小而短。諸陽經脉。皆多紆屈者。小腸結。

張邪氣藏府篇曰。脉急者。尺之皮膚亦急。脉緩者。尺之皮膚亦緩。皮脉之相應也。故皮膚厚者。脉厚。脉厚者。小腸厚。皮薄者。脉薄。脉薄者。小腸薄。

註此言欲知小腸當驗之脈而脈又當驗之於皮也

脾應肉肉脘堅大者胃厚肉脘糜者胃薄肉脘小而糜者胃不堅肉脘不稱身者胃下胃下者下脘約不利肉脘不堅者胃緩肉脘無小裏累者胃急肉脘多少裏累者胃結胃結者上脘約不利也

註倪氏曰脘肥脂也糜亦小也約約束也胃有上脘中脘下脘故胃下則下脘約不利結則上脘約不利也

註此言欲知胃者當驗之肉脘也

肝應爪爪厚色黃者胆厚爪薄色紅者胆薄爪堅色青者胆急爪濡色赤者胆緩爪直色白無約者胆直爪惡色黑多紋者胆結也

註朱氏曰爪者筋之餘故肝應爪視爪之好惡以知胆之厚薄緩急也五藏六府皆取決于胆故兼五藏五行之氣色蓋子瑜曰胆屬甲子主天干地支之首故備五行之色

註此言欲知胆者當驗之爪也

腎應骨密理厚皮者三焦膀胱厚粗理薄皮者三焦膀胱薄疏腠理者三焦膀胱緩皮急而無毫毛者三焦膀胱急毫毛美而粗者三焦膀胱直稀毫毛者三焦膀胱結也

註倪氏曰太陽之氣主皮毛三焦之氣通腠理是以視皮膚腠理之厚薄則內應于三焦膀胱矣又津液隨三焦之氣以溫肌肉充皮膚三焦者少陽之氣也本經云重膚充身澤毛是謂氣是以皮毛皆應於三焦膀胱也○朱永年曰經云絡谷屬骨是肌肉之屬于骨也又曰脾生肉肉生肺肺生皮毛是骨內皮毛交相資生者也故曰腎應骨密理厚皮者三焦膀胱厚

註此言欲知三焦膀胱者當驗之皮毫腠理也三焦為右腎之府膀胱為左腎之府觀三焦有厚薄緩急者果有名而無形也按三因方云三焦者有脂膜如手大正與膀胱相對有二白脈自中出夾脊而上貫于腦有形可見有一舉子徐通少嘗醫療病有精思曰齊嘗大飢羸馬相鬪而食有一人皮肉盡而骨


脉全見右腎之下有脂膜如手大正與膀胱相對有二白脈自其

黃帝曰。厚薄美惡皆有形。願聞其所病。岐伯答曰。視其外應。以知其內藏。則知所病矣。

張 倪氏曰。六府內合五藏。外應於皮肉筋骨。故視其外應。以知其內藏。則知其所病矣。蓋六府之厚薄緩急大小。而為病者。與五藏之相同也。

馬 此言視其外之所應。而可以知內之所病也。

五臟六腑總圖



禁服第四十八

馬 服事也。詩大雅板篇有我言維服。內論脈有關格宜用。又刺藥法故名焉。

雷公問於黃帝曰。細子得受業。通於九鍼六十篇。且暮勤服之。近者編絕。久者簡垢。然尚諷誦弗置。未盡解於意矣。外揣言渾束為一。未知所謂也。夫大則無外。小則無內。大小無極。高下無度。束之奈何。士之才力。或

百篇有
禁服二
字固以
名篇

有厚薄智慮褊淺不能博大深奧自強於學若細子細子恐其散於後世絕於子孫敢問約之奈何黃帝曰
善乎哉問也此先師之所禁坐私傳之也割臂歃血之盟也子若欲得之何不齋乎雷公再拜而起曰請問
命於是矣乃齋宿三日而請曰敢問今日正陽細子願以受盟黃帝乃與俱入齋堂割臂歃血黃帝親祝曰
今日正陽歃血傳方敢有背此言者反受其殃雷公再拜曰細子受之黃帝乃左握其手右受之書曰慎之
慎之吾為子言之凡刺之理經脈為始營其所行知其度量內刺五藏外刺六府審察衛氣為百病母調其
虛實虛實乃止瀉其血絡血盡不殆矣

凡刺之理六
見前經脈篇

張夫氣合于天。天合于地。血合于水。外揣篇論九針之道。渾束為一。而合于天道。故篇名外揣。言天道之
運。行於外。司外可以揣內也。此篇以氣血約而為一。候其人迎氣口外。可以知六氣內。可以驗其藏府
之病。蓋經脈本於藏府之所生。而合於六氣也。故曰。凡刺之理。經脈為始。營其所行。知其度量。內刺五藏。
外刺六府。審察衛氣。為百病母。謂邪之中人。必先始於皮毛。氣分而入於絡。絡從經脈而入於藏府。故瀉
其血絡。血盡不殆。蓋絡脈絡於皮膚之間。乃氣血之交會。故視其血絡。盡瀉其血。則邪病不致傳滯於經
脈。藏府而成危殆之證矣。虛實者。血氣之虛實也。蓋邪在氣。則氣實。而血虛。陷於脈中。則血實。而氣虛。故
必審察其本末。以調之。夫血脈者。上帝之所貴。先師之所禁也。藏之金匱。非其人勿教。非其真勿授。故帝
與敵血立盟。而後乃傳方。篇名禁服者。誠其佩服。而禁其輕洩也。○莫子瑜問曰。此篇論約束氣血為一
要。復引外揣而論曰。天與水相連。而運行於上下。水天之合一也。故曰。如水鏡之察。不失其形。外揣篇論
九針之道。渾束為一。而合於天道。遠者司外揣內。近者司內揣外。是謂陰陽之極。天地之蓋。謂天地之合
一也。天地相合。而水在其中矣。此篇論氣血約而為一。

馬此言凡刺之理。當有渾束為一之妙。不過以經脈為始而已。不惟用針用藥亦然。編者所以貫簡
故近則編絕。孔子讀易章句三絕。久則簡絕。古人無紙。以竹簡。足汗去青書之。故書之者簡。而

貫之者編。外揣前卷篇名也。帝嘗謂九針者。小之則無內。大之則無外。深不可為。下高不可為。蓋大
小高深。以理言。非針形也。恍惚無窮。流溢無極。而欲渾束為一。伯乃以至明為要。進之今雷公述而問
之。亦欲得渾束為一之方耳。帝念其齋宿之誠。遂行割臂歃血之盟。乃以書而授之。曰。凡刺之理。其要道
在於經脈。為始而已。經脈者。本經第十篇名。乃十二脈經氣運行之經。隧也。運其所行。如上言。分其
度量。本經有脈度篇。五藏為裏。故內刺五藏。六府為表。故外刺六府。彼營氣者。陰氣也。既隨宗氣以
行。運於經。隧之中。惟衛氣者。陽氣也。乃自行於皮膚分肉之間。故必審察衛氣。實為百病之母也。衛氣

靈區 巫台 真系 卷六 五

為百病之母其大義見素問生氣通天其百病有虛有實即人迎寸口脈以知之而正氣之虛則補邪氣之實則瀉則虛者實者虛而虛實自止矣又血絡者病之可見者也前血絡論從瀉之其病不殆矣

雷公曰此皆細子之所以通未知其所約也黃帝曰夫約方者猶約囊也囊滿而弗約則輸泄方成弗約則

神與弗俱雷公曰願為下材者弗滿而約之黃帝曰未滿而知約之以為工不可以為天下師

[張]未滿而知約者知氣與血合候人迎氣口以知三陰三陽之氣而不知陰陽血氣推變無窮可渾束為一而合于天之數故通人道於天道者斯可以為天下師約方者約束血氣之法如約囊者謂氣與

血合猶氣在囊籥之中滿而弗約則輸泄矣故方成而弗約則神與弗俱謂血與氣不能共居而合一也滿而弗約者謂不知經治脈急弗引也約而為一者脈大以弱此血氣已和則欲安靜也

[馬]此方成宜約而當以天下師自期也蓋約方猶之約囊囊滿而弗約則輸泄於外方成而弗約之則法雖在而無所主持故吾之神弗能與俱不可以愈病也神之為美前詳病傳篇第三節之下彼

雷公雖以下材下工自謙不知帝之所以望之者為天下師也所謂天下師者惟知經脈篇為始耳下文正詳言之

雷公曰願聞為工黃帝曰寸口主中人迎主外兩者相應俱往俱來若引繩大小齊等春夏人迎微大秋冬

寸口微大如是者名曰平人

[張]願聞為工者願聞血氣之相應而後明合一之大道是由工而上而神神而明也寸口主陰故主中

人迎主陽故主外陰陽中外之氣左右往來若引繩上下齊等如脈大者人迎氣口俱大脈小者人迎

氣口俱小春夏陽氣盛而人迎微大秋冬陰氣盛而寸口微大如是者陰陽相應是謂平人若不應天之

四時而更偏大於數倍是為溢陰溢陽之關格矣此論三陰三陽之氣而應於人迎寸口之兩脈也○高

子曰人迎氣口謂左右之兩寸口所以分候陰陽之氣非寸關尺三部也若以三部論之則左有陰陽而右有陰陽矣

[馬]此言寸口人迎之脈各有所主而合四時者為無病也寸口者居右手寸部即太淵穴去魚際一寸故

曰寸口以其為脈氣之所會故又曰脈口又曰氣口寸口主中乃足手六陰經脈所見也人迎者居左手寸部蓋人迎乃是陽明胃經之穴名而其脈則見於此故即以人迎稱之以胃為六府之先也人迎主外故左關為東為春左手為南為夏所以謂左寸為外足手六陽經之脈必見於此右手為秋為酉右關為中央為長夏其兩尺則為北為冬所以謂右寸為內凡足手六陰經之脈必見於此然寸口之脈在內而出於外人迎之脈在外而入於內即如人迎一動為足少陽經寸口一動為足厥陰肝經則肝與

血氣神氣也

躁者陰

之動象

陰陽六

氣皆從

陰而生

自下而

上故止

合足之

六經在

下之氣

躁動而

後上合

於手

間去聲

數叶朔

相應者

未合而

相應相

合者已

合為一

倍傷寒

病太陽

之氣其

脈則繁

氣傷則

痛入於

胆相為表裡而一出入兩經本相應也。餘經表裡可以類推。見下文。故俱住俱來。若引繩齊等。而春夏之時。則人迎比寸口之脈為微。大秋冬之時。則寸口比人迎之脈為微。大乃為平和無病之人也。益曰微大則耳。平和之脈耳。

人迎大一倍於寸口。病在足少陽。一倍而躁。病在手少陽。人迎二倍。病在足太陽。二倍而躁。病在手太陽。人迎三倍。病在足陽明。三倍而躁。病在手陽明。盛則為熱。虛則為寒。緊則為痛。痺代則乍甚。乍間。盛則瀉之。虛則補之。緊痛則取之。分肉代則取血絡。且飲藥。陷下則灸之。不盛不虛。以經取之。名曰經刺。人迎四倍者。且大且數。名曰溢陽。溢陽為外格。死不治。必審按其本末。察其寒熱。以驗其藏府之病。

此論陰陽之氣偏盛而脈見於人迎氣口及病之在氣在脈。以證明血氣之相應相合也。三陽之氣偏盛。則人迎大二倍三倍。此氣血之相應也。脈大以弱。則故安靜。此血氣之相合也。痛痺者。病在於皮腠。之氣分氣傷。故痛。氣血相搏。其脈則繁。此病在氣而見於脈也。代則乍甚。乍間。補之。者。病在血氣之交。或在氣或在脈。有交相更代之義。故脈代也。盛則瀉之。者。氣盛宜瀉之也。虛則補之。者。氣虛宜補之也。緊痛之在氣分。故當取之分肉代。則病在血氣之交。故當刺其血絡。且飲藥者。助其血脈。藏府勿使病從絡脈而入於經。脈從經脈而入於藏府也。陷下則灸之。者。氣之下陷也。不盛不虛者。氣之和平也。以經取之。者。病不在氣而已。入於經。則當取之於經矣。若人迎大於四倍。且大且數。名曰溢陽。溢陽者。死不治矣。始言人迎大一倍二倍三倍者。此陽氣太盛而應於脈也。後言以經取之。名曰溢陽。溢陽者。死不治矣。數名曰溢陽。此陽氣之盛。溢於脈中。氣血之相合也。此以陰陽氣之偏盛。病之在氣在脈。以明氣之應於脈。而合於脈也。故必審按其本末。察其寒熱。以驗其藏府之病。本者。以三陰三陽之氣為本。末者。以左右之內。可以候五臟六腑之有形。此陰陽離合之外。大可以候三陰三陽之六氣。

此言人迎大於寸口之脈。可以驗手足六經之病。而有治之之法也。人迎較寸口之脈大者。一倍則病在足少陽。膽經。若一倍而躁。乃手少陽三焦經。有病也。躁者。之。法也。中而有更躁之意。下文二倍三倍。四倍。其躁。可以意會。較寸口之脈大者。二倍。則病在足太陽。膀胱經。若一倍而躁。乃手太陽小腸經。有病也。較寸口之脈大者。三倍。則病在足陽明。胃經。若三倍而躁。乃手陽明大腸經。有病也。其各陽經之脈。或則為熱。虛則為寒。脈繁。則為痛。痺。脈代。則病為乍甚。乍間。即下文之乍痛。乍止也。然所以治之者。脈盛則分經。以瀉之。脈虛。則分經。以補之。脈緊。為痛。痺。則取其分肉之病。在何經。脈代。則取其血絡。使之出血。及飲食。以調之。脈陷下者。則血結於中。中有着血。血寒。故宜灸之。若不盛不虛。則止。以本經取之。如一盛。瀉。胆以補肝。二盛。瀉。膀胱以補腎之類。茲則取之於胆。而不取之肝。取之膀胱。而不取之腎之類也。或用

靈... 卷一

絡則止矣
絡脈外
交于皮
膚內通
於經脈
氣應於
脈若大
脈入於
數則兼
感氣并
於脈中
則元和
氣合於
脈中則
欲安靜
也
脾之藏
府血絡
之肉理
者

針或用灸或用藥止在本經而不求之他經故名之曰經刺也夫治法固已如此及夫人迎之脈大於寸口者四倍且大且數則陽脈甚盛名曰溢陽溢陽者為外格蓋格者拒也拒六陰脈於內而使不得運於外也其證當為死不治凡此者必宜審按其本末蓋先病為本而後病為末及察其寒熱以驗其藏府之病何也

寸口大於人迎一倍病在足厥陰一倍而躁病在手心主寸口二倍病在足少陰二倍而躁病在手少陰寸口三倍病在足太陰三倍而躁病在手太陰盛則脹滿寒中食不化虛則熱中出糜少氣滿色變緊則痛痺代則乍痛乍止盛則瀉之虛則補之緊則先刺而後灸之代則取血絡而後調之陷下則徒灸之陷下者脈血絡於中有着着血血寒故宜灸之不盛不虛以經取之名曰經刺寸口四倍者名曰內關內關者且大且數死不治必審察其本末之寒溫以驗其藏府之病

經夫在天蒼齡丹素玄之氣經于十干之分化生地之五行地之五行上呈天之六氣六氣合六經五行而生五藏是六氣本于五藏之所生故陰氣太盛則脹滿寒中虛則熱中出糜滿色變氣從內而外由陰而陽也是以候人迎氣口則知陰陽六氣之盛虛內可以驗其藏府之病陰陽外內之相通也夫痛痺在于分腠之氣分腠者皮膚藏府之肉理故病在陽者取之分肉病在陰者先刺而後灸之蓋灸者所以故者宜灸今入于脈中又當取之于經矣如陷下脈而宜灸者乃脈受絡之留血而陷于中有着着血血寒故宜灸若氣并于血又非灸之所宜也此皆因氣之盛虛病之外內以證明血氣之有分有合有邪病有和調反覆辨論皆所以明約束之道所謂邪病者中有着着血猶囊滿而弗約則輸泄矣和調者氣并于血神與氣俱渾束為一陰陽已和則故安靜毋用力煩勞不可灸也○朱永年曰本經中論人迎寸口大二三倍之丈凡四見其中章旨不同學者各宜體會若僅以三陰三陽論之去經義遠矣馬氏以六氣增註藏府更為蛇足

馬凡言寸口大於人迎之脈可以驗足手六陰經之病而有治之之法也寸口較人迎之脈大者一倍則經病在足厥陰肝經若一倍而躁乃手厥陰心包絡經有病也較人迎之脈大者二倍則病在足少陰腎經若二倍而躁乃手少陰心經有病也較人迎之脈大者三倍則病在足太陰脾經若三倍而躁乃手太陰肺經有病也其各陰經之脈盛則為脹滿其胃中必寒而食亦不化虛則其中必熱而所出之糜亦不化且氣亦少濁色亦必變也脈緊則為痛而脈代則為乍痛乍止然所以治之者或則分經以瀉之虛則分經以補之緊則取其痛痺之分肉在於何經先刺而多灸之代則取其血絡使之出血及飲藥以瀉之

脈隔下者則徒灸之。徒但也。脈既隔下則血結于中，中有着血，血結故宜灸之。若不感不虛則以本經取之，或用藥或用針，或用灸名之曰經刺也。義見上節。夫治法固已如此，及夫寸口之脈大於人迎者四倍，且大且數，則陰經甚盛，名曰內關，內關者，開六陽在外而使之不得以入于內也。其證當為死不可治。凡此者，必宜審按其本末及察其寒熱，以驗其藏府之病可也。

通其營輸，乃可傳於大數。大數曰盛則徒瀉，虛則徒補之。緊則灸刺，且飲藥隔下則徒灸之，不感不虛以

經取之，所謂經治者，飲藥亦曰灸刺，脈急則引，脈大以弱則欲安靜，用力無勞也。

張一之通天地也。故知其大數則曰盛，則徒瀉之，虛則徒補之，隔下則徒灸之，蓋謂氣盛者宜瀉，氣虛者宜補，氣隔下者宜灸。今氣與血合，津束為一，有病者則當取之於經，氣盛於脈中者，又當引而伸之，血氣和平而相合者，則欲安靜調養，是以徒瀉徒補，徒灸也。所謂經治者，飲藥亦曰灸刺，此病入於經所當

以經治之，脈急則引者，陰陽偏盛之氣，并于脈中，故脈數急，又當引而伸之，蓋囊滿勿約，則輸泄矣。若脈大以弱者，此平和之氣與血相合而已，和調則欲安靜，以調養無用力，以傷其血脈，無煩勞以傷其氣也。

此章假人迎氣口之盛躁以明氣血之合一，故曰脈急則引者，先言盛躁之氣，而合于脈中也。繼言脈大以弱者，乃平和之氣血，津束于一也。氣并于脈中，故脈大，血氣和調，故柔爽也。外揣篇論津束為一而合

于天道，天地有外，內上下之氣，交故司外，可以揣內，司內可以揣外，此天地之合一也。此篇論陰陽六氣與血脈，津束為一，應每天在上，司泉在下，如水鏡之察，不失其形，此天地之合一也。愚按此篇論陰陽六氣

陰陽六氣，外合于手足六經，內合于五臟六腑，可分可合，可外可內者也。候人迎氣口者，候六氣之在外而不涉于經也，隔下則灸之者，謂氣隔于內而不隔于脈也，故曰審察衛氣為百病母，衛氣外行于皮膚

分肉內行于藏府之募原，六氣在外同衛氣，而在膚表之間，隔于內則入于藏府之募原矣，故曰審察其本末之寒溫，以驗其藏府之病，蓋以內為本，而外為末，血為本，而氣為標，審其病之在氣在脈，在外在內

也。如病在外之六氣，有不涉于六經者，有病在氣而轉入于經者，有隔于內而不干于藏府者，有隔於募原之中而病及於藏府者，此六氣之於經脈藏府可分而可合也。際則為痛痺者，病形而傷氣也，代則乍

甚，乍間者，氣始入于脈也，蓋六氣本於五臟之運生，而外出于膚表，合而為一，則從落而脈，脈而經，經而藏府也。六氣出入于藏府，經脈之間，有離有合，運生無息者也。春夏人迎微大，秋冬口微大，此六氣行

于脈外也，脈大以弱，則欲安靜，此氣與血合，混束而為一矣。即如中風傷寒，六經相傳，七日來復，此病在六氣而不涉於經也。如病一二日，即見嘔吐泄瀉諸證者，此隔於內而入府也，有病一二日，即見神昏氣

促煩躁諸證者，此隔於藏府之募原，而為半死半生之證矣。蓋客於藏外者，生于藏者，死于藏而藏真完固，不為邪傷者，生藏真傷而神昏躁盛者，死故曰治五臟者，半死半生也，如傷寒之黃連阿膠桃花小陷

胸諸證，此病在氣而溜於經也。蓋藏入于經，其藏氣冥不必動，藏則溜於府，若血脈傳溜大氣入藏，腹痛下浮，蓋此病在氣而溜於經也。蓋藏入于經，其藏氣冥不必動，藏則溜於府，若血脈傳溜大氣入藏，腹痛

下浮，蓋此病在氣而溜於經也。蓋藏入于經，其藏氣冥不必動，藏則溜於府，若血脈傳溜大氣入藏，腹痛

下浮，蓋此病在氣而溜於經也。蓋藏入于經，其藏氣冥不必動，藏則溜於府，若血脈傳溜大氣入藏，腹痛

脈中有者宜灸亦宜灸故曰亦

經云營為根衛為其經病以分氣者謂之離合

痺證正在形氣

藏入府者有病多日而漸次溜經陷內于藏入府者有病久而止在氣在形不入于內者此邪病之有重
輕正氣之有虛實也此等論血氣之離合出入審病氣之輕重死生大有關於至道故帝令齊宿而始授
其書子亦不厭瑣贅而復明之以勉後學知正氣之出入則知邪病之淺深治其始蒙救其未逆常使邪
氣內入而成不救此醫道中修身善後之大功德也○高子曰外揣篇論氣與形合此篇論氣與血合五
變章論病在形而不病氣本藏論病在藏府而不病氣本經厥逆諸篇有
病氣者有病血者有血氣之兼病者此陰陽離合之道變化之不測也

馬此承上文而申言以叮咛之正約方之大術數也凡為醫工者固以明經脈為始然必先明本經本
輸篇如并營輸經合之義則經脈始可瀉也遂以大數如上丈盛則徒瀉之等云也▲大數大義
具本經終始篇▽所謂盛則徒瀉之者但瀉而無補也虛則徒補之者但補而無瀉也際則為痛痺或灸
或刺或飲藥三者可兼行也脈滿下則但足之而已不盛以經取之則取陽經之不取陰經取陰經
者不取陽經此之謂經刺其飲藥足刺三者亦可兼行也且其脈急者可加導引之功或脈大而弱者則
當主于安靜雖有用力不至大勞也此乃大法之所在即約方之要者而外揣渾束為一之義盡矣庶可
以為天下師若未滿而約之則是不知經脈而欲知術數也僅足以為工具豈非以下材自限者哉▲嗚
呼帝割臂敵血而所言大術數者如此則醫門秘旨盡在是矣雖言用針之法而用藥補瀉亦猶是也然
則本輸經脈終始禁服等篇乃醫籍中至寶
惜乎後世廢而不講萬古如長夜然痛哉

五色第四十九

馬篇內有五色言
病之義故名篇

雷公問於黃帝曰五色獨決於明堂乎小子未知其所謂也黃帝曰明堂者鼻也闕者眉間也庭者顏也蕃
者頰側也蔽者耳門也其間欲方大去之十步皆見於外如是者壽必中百歲

馬此節大義與前五閱
五使篇第二節相同

張此承三十七章之五閱五使復辨明五藏之氣見色於明堂見脈於氣口察其色切其脈以知病之問
甚人之壽夭也五閱章曰五官已辨闕庭必張乃立明堂明堂廣大蕃蔽見外方壁高基引垂居外五
色乃治平博廣大壽中百歲故帝復釋之曰明堂者鼻也闕者眉間也庭者顏也蕃者頰側也蔽者耳門
也其間欲方大去之十步皆見於外如是者壽必中百歲蓋言面部之形色應天地之形氣故其清明而
口厚也夫五藏生于地之五行行地之五行上呈天之五色及三陰三陽之副也氣口者左之人迎右之出氣
口乃五藏之氣見于色而應於脈也故曰五氣者五藏之使也五時之副也氣口者左之人迎右之出氣
所以候三陰三陽之氣三陰三陽者五藏六府之氣也○朱氏曰候五藏生成篇云凡相五色之奇脈面
黃目青面黃目赤面黃目白面黃目黑者皆不死也面青目赤面赤目白面青目黑面黑目白面赤目青

主子方
曰應應
後之旨
有所見
五藏之
形候三

即之浮
沉五藏
之氣候
在氣口

惡叶烏

皆死也蓋五藏之氣色見于面五藏之血色見于目也脉要精微論曰尺外以候腎中附上左外以候肝右以候脾上附上右外以候肺左外以候心是五藏之有形候見於左右三部之寸關尺五藏之氣候見於氣口也故曰脉之浮沉及人迎與寸口氣大小等者病難已此五藏之形氣各有所候也夫天地之生命所以立形定氣故視人之壽夭決病之死生者必明乎此

馬此言五色雖決於明堂而諸部亦宜廣大也五色獨決於明堂五閱五使篇之言而公舉以問之也

雷公曰五官之辨奈何黃帝曰明堂骨高以起平以直五藏次於中央六府挾其兩側首面上於闕庭王宮在於下極五藏安於胸中真色以致病色不見明堂潤澤以清五官惡得無辨乎

張五官者五藏之外候也明堂者鼻也鼻之準骨貴高起而平直者也五藏次於中央闕庭之中肺也闕下者心也直下者肝也再下者脾也藏為陰而主中故候次於中央也六府挾其兩側肝左者胆也方也腎為水藏故挾大腸而位於蕃蔽之外應地居中而海水之在外也首面上於闕庭王宮在於下極應天闕在上王宮在下有天地人之三部也闕庭者肺也肺主天而居上也極下者脾也脾主地而居下也王宮者心之部也心為君主而居中也五藏安居於胸中而藏真之色致見於外五官惡得無辨乎

馬此承上文而言五官之有辨也五閱五使篇有五官已辨之言而公亦舉以問之也鼻為明堂其骨貴高以起平以直五藏次於中央詳見第十一節六府挾其兩側詳下第十一節眉間為闕庭君主之尊也惟五藏能安于胸中則其真色已致病色不見明堂之色自然清潤此五官之可辨者如此

雷公曰其不辨者可得聞乎黃帝曰五色之見也各出其色部骨陷者必不免於病矣其色部乘襲者雖病甚不死矣

張朱永年曰不辨者謂不辨其真色而辨其病色也五色之見各出其色部者謂五藏之病色各見於本部也刺熱論曰色榮顙骨熱病也部骨陷者謂本部之色隱然陷于骨間者必不免于病矣蓋病生於內者從內而外色隱現于骨者病已成矣承襲者謂子襲母氣也如心部見黃肝部見赤肺部見黑腎部見青此子之氣色承襲於母部雖病甚不死蓋從子以洩其母病也

馬此承上文而言五官之色可以辨病之生死也公以五色有不可辨者為疑帝言五官之色未有不可辨者也故五者之色各出其部分其何部之骨陷者必不免於病其何部之骨不至陷下而僅有五色相乘襲者雖病甚亦不至於死也

雷公曰官五色奈何黃帝曰青黑為痛黃赤為熱白為寒是為五官

張 清肅之氣故為寒是為五色之所司而為外因之病也其子瑜曰上節論五藏之病色各出其部此論天之外寒見於五色審別外內是為良工

註 此正言五官之中之病也

雷公曰病之益甚與其方衰如何黃帝曰外內皆在焉切其脉口滑小緊以沉者病益甚在中人迎氣大緊以浮者其病益甚在外其脉口浮滑者病日進人迎沉而滑者病日損其脉口滑而沉者病日進在內其人迎脉滑盛以浮者其病日進在外脉之浮沉及人迎與寸口氣大小等者病難已病之在藏沉而大者易已小為逆病在府浮而大者其病易已人迎盛堅者傷於寒氣口盛堅者傷於食

張 此切其脉口人迎以知病之間甚外內也夫外因之病從外而內自陽而陰內因之病從內而外由陰而陽脉口主內人迎主外故曰外內皆在謂候其脉口人迎而外感內傷之病皆可以知其甚衰也故切其脉口滑小緊以沉者病益甚在內也人迎氣大緊以浮者病益甚在外也夫浮為陽沉為陰其脉口浮滑者陽氣在陰故病主日進人迎沉而滑者陰氣出陽故病日損也其脉口滑以沉者病日進在內也其人迎滑以浮者病日進在外也脉之浮沉謂左右寸關尺三部之脉與人迎寸口之氣大小浮沉等者此藏府之形氣俱病故為難已病之在藏沉而大者此陰病見陽脉故為易已是以小則為逆病在府浮而大者陽病在外故其病易散也人迎主外是以人迎盛堅者傷於寒病因於外也氣口主中是以氣口盛堅者傷於食病因於內也人迎氣口主藏府陰陽之氣故候其兩脉而外內之病皆在焉

註 此言病之間甚外內可切人迎脉口以知之也公以病之益甚方衰難知為疑帝言人迎主外脉口主內外內皆在其病內外可知也切其脉口而滑脉兼小及緊以沉者其病當在中而為益甚也切其脉口而脉氣既大兼緊以浮者其病當在外而為益甚也然脉口不但脉滑兼小及緊以沉者為益甚也雖滑而帶浮者亦病必日進也人迎不但脉大兼緊以浮者為益甚也若浮滑則病可日減也由此觀之則脉口浮而帶滑者病固日進雖滑而帶沉者亦然但其病在內所謂一盛二盛三盛乃六陰經之為病也義見前篇人迎必沉而帶滑者幸得日損若盛以浮者必不能損而為日進但其病在外所謂一盛二盛三盛乃六陽經之為病也義見前篇人迎與寸口其脉氣或大或小或大相等者則外感內傷俱未盡減其病為難已也然病在六陰經者本此

人迎寸口在左右之兩脉口而尺不兼關

寸口在左右之兩脉口而尺不兼關

內外陰
陽錯綜
而言

五藏地
氣之所
生也

諸經中
論脈內
用觀賦
字者俱
宜分看

之在五藏也必沉而大者其病易已蓋沉為在內大則有力也若沉而帶小則病之在藏未已也病在六
陽謂之在六府也必浮而大者其病易已蓋浮為在外大為易散也何以知人迎之為外感也惟其脈之
盛而且堅是必傷于寒者所致耳何以知脈口之為
內傷也惟其脈亦盛而且堅是必傷於食者所致耳

雷公曰以色言病之間甚奈何黃帝曰其色麗以明況天者為甚其色上行者病益甚其色下行如雲徹散
者病方已五色各有藏部有外部有內部也色從外部走內部者其病從外走內其色從內走外者其病從
內走外病生於內者先治其陰後治其陽反者益甚其病生於陽者先治其外後治其內反者益甚

朱永年曰此察其色而知病之間甚外內也窺明主陽沉大主陰陰陽交見故為病甚夫色乃五藏五
行之氣從內而出自下而上以見于面其色上行者病氣方殷故為益甚夫地氣非而為雲得天氣降
而徹散故方病已也藏部藏府之外部也五藏次于中央為內六府挾其兩側為外部色從外部走內
部者外因之病從外走內也其色從內走外者內因之病從內走外也蓋府為陽而主外藏為陰而主內
也故病生于內者先治其陰後治其陽反者益甚
其病生于陽者先治其外後治其內反者益甚也

其脈滑大以代而長者病從外來目有所見志有所惡此陽氣之并也可變而已
承上文而言氣分之病并於血脈也上文之所謂陰陽外內者病在氣也故脈見于氣口色見于明堂
若氣并于血則脈見寸關尺之三部而色見于目矣滑者寒水之象大者暑熱之象代者濕土之象長
者風木之象此外因風寒暑濕之象并于血脈而見此診故曰以代曰而長謂或滑大或代或長皆病從
外來非四氣之同并而同見此目也目有所見者色見于目也志有所惡者五藏之神志有所不安也此
陽氣之并也可變而已謂先治其外後
治其內使之通變於外而病可已也

此言病之間甚內外相以明而忽然沉大不明者是也又其色上行于面部之上則邪氣有升而無降
言病益甚者其色乃降于面部之下如雲徹散則邪氣有降而無升病之所以方復也且其色各
有五藏之分部有外部有內部其色從外部走內部者病必從外走內其色從內部走外部者病必從外
走內所謂從內走外者即病生于內也所謂從外走內者即病生于外也外為陽經內為陰經當先治其陽後治其陰若先
治其陰則病反甚矣所謂從外走內者即病生于外也外為陽經內為陰經當先治其陽後治其陰若先
治其陰而後治其陽則病反甚矣此二段與素問經本病傳論靈樞病傳篇先治其本同意除腹脹大
小不利而言耳既觀其色又觀其脈方為詳審其脈滑而帶大帶代帶長者皆陽脈也乃為病從外來

治其陰而後治其陽則病反甚矣此二段與素問經本病傳論靈樞病傳篇先治其本同意除腹脹大
小不利而言耳既觀其色又觀其脈方為詳審其脈滑而帶大帶代帶長者皆陽脈也乃為病從外來

其外證目有所妄見志有所妄惡此陽氣之并于外也即當先治其陽後治其陰使之變焉而病已矣即此而推則其脉瀉而帶小帶代帶短者皆陰脉也乃為病從內來其內證而目有所見志有所獨處乃陰氣之并于內也即當先治其陰後治其陽使之變焉而病亦于是已矣

雷公曰小子聞風者百病之始也厥逆者寒濕之起也別之奈何黃帝曰常候闕中薄澤為風冲濁為痺在

地為厥此其常也各以其色言其病

張地者面之下部名地間也風乃天氣故常候于闕庭寒濕者地氣故候在地部陽邪故其色薄澤寒濕者陰邪故其色冲濁此承上啟下之文言風寒濕邪可并于脉中可入于藏府而為卒死之色薄澤故邪風之至疾如風雨而為百病之長故善治者治皮毛其次治肌膚其次治筋脉其次治藏府治藏府者半死半生也是以醫者當明於分部審察外內用陰和陽用陽和陰分使邪入于藏而或不救斯謂之良工而萬舉萬當也○朱永年曰氣并于脉則血脉傳溜大氣入藏不可以致生蓋邪在血脉尚可變而已入于藏不亦晚乎是故聖人之教人察色辨脉蓋欲其不治已病而治未病不治已亂治未亂也○

彼冲之曰為鵠望見桓侯之色正欲其治未病也所謂未病者病未傳溜于深隧也
馬此言病有風有痺者候之面部可知其病審之五色可分其藏也公以風為百病之始病乃上部所感厥逆為寒濕之起病乃下部所感何以別之為問帝言欲知風與痺者常候闕中其色薄而潤澤也蓋厥自足經而上逆者耳此皆其常色可驗者若夫欲知五藏之分病則又以青為肝以赤為心以黃為脾以白為肺以黑為腎各以其色而分五藏之風痺厥也

雷公曰人不病卒死何以知之黃帝曰大氣入於藏府者不病而卒死矣雷公曰病小愈而卒死者何以知之黃帝曰赤色出兩額大如母指者病雖小愈必卒死黑色出於庭大如母指必不病而卒死

張此取上文而言外因內因之病并于血脉而入藏者皆為卒死也大氣入藏者外淫之邪入于藏府故不病而卒死矣不病者無在外之形證也病小愈而卒死者內因之病藏府相乘也赤色出兩額黑色出於庭即下文之所謂腎乘心心先病腎為應色皆如是蓋赤者火之色黑者水之色也小愈者水濟其火也卒死者水淫而火滅也蓋五行之氣剋則生化淫勝則絕滅矣夫病在氣者其色散而不聚者乘於脉中者其色聚而不散大如母指者血脉之聚也腎脉注胸中上絡心赤色出兩額者腎上乘心而心火之氣外出也黑色出於庭者腎乘心而心先病腎為應而亦隨之外出故色皆如是者色皆如母

藏府之
肢節見
于面部
者形見
于色也

天道從
左而右
地道從
右而左

指也蓋藏者藏也五色之見于面者五藏之氣見於色也聚色外見者藏真之外洩也○飽冲之目水上
乘心則心先病故曰病曰小愈腎氣上乘則自虛其本位矣復為後應而上出故不病而卒死不病者不
為他藏所乘而自脫也○朱永年曰五行之氣有相生有承制則生化勝制太過則絕滅矣故病者之小
愈者制所生也小愈而卒死乃水歸於天而無
上下環轉黑色出于庭乃水歸於天而無
從轉之機矣在人則卒死在天為混濛

[補]此言人有不病而卒死者有病雖小愈而卒死者有其由與其驗也蓋不病而卒死者以大邪之氣入
于藏府也病雖小愈而卒死者以赤色出于兩額大如母指者此其驗也▲梅指足大指也▼然不病
而卒死者有黑色見於首而
大如母指此亦其所驗也

雷公再拜曰善哉其死有期乎黃帝曰察色以知其時雷公曰善乎願卒聞之黃帝曰庭者首面也闕上者
咽喉也闕中者肺也下極者心也直下者肝也肝左者胆也下者脾也方上者胃也中央者大腸也挾大腸
者腎也當腎者臍也面王以上者小腸也面王以下者膀胱子處也顴者肩也顴後者臂也臂下者手也目
內眥上者膺乳也挾繩而上者背也循牙車以下者股也中央者膝也膝以下者脛也當脛以下者足也巨
分者股裡也巨屈者膝臚也此五藏六府肢節之部也各有部分用陰和陽用陽和陰當明部分萬
舉萬當能別左右是謂大道男女異位故曰陰陽

[張]察色以言其時者察五藏五行之色以知所死之時也如赤色出于兩顴者所死之期其日壬癸其時
夜半也黑色出于庭而死者其日戊己其時辰戌丑未時也藏府各具五行之色各有所主之部故當
明其部分用陰和陽用陽和陰陰陽和調萬舉萬當矣左右者陰陽之道路陽從左陰從右能別左右是
謂天地之大道男子之色從左而右女子之色從右而左男女異位故曰陰陽○飽冲之曰男從左女從
右氣之順也順則散如男從右女從左氣之逆也逆則聚聚則
有勝剋絕滅之患此節論內因之色有陰陽左右死生逆順之分

[補]此言五藏六府肢節之各有部分也上文言庭者顴也顴為額中而此以庭為首面者正以顴為最上
乃面之首耳上文言闕者兩眉間也而此言闕上者咽喉也咽喉之部在眉間之上耳又曰闕中者
肺也乃闕之中即眉之間正為肺之部耳下極鼻柱也在兩目之間五藏肺為最高而肺下即心故曰下
極者心也其心之直下者即鼻柱而下也為肝之部肝之左即為胆則在鼻柱之間矣其肝之下為脾

卷之八


十

五臟六腑見於面部之圖


方者鼻隧也而王者鼻隧之端也鼻隧之上即迎香之上為胃胃之外為大腸乃正額之下大腸之外為腎則大腸為中央而胃與腎所以挾大腸也當腎者臍也面王以上為小腸面王以下為膀胱子處此乃五臟六腑之部也至于肢節亦各有部顧者所以應肩顧之後所以應臂臂之下所以應手又推而上之其目內眥之上所以應膈與乳也又推而下之頰外為繩挾繩而上者所以應背循牙車以下所以應股其中央所以應膝膝之已下所以應脛當脛已下為足其巨分者所以應股之裡巨屈者所以應膝臍此又肢節之部分也故嘗統而論之自額而下屬上屬首咽喉之部分也自關中循鼻而下鼻端屬肺心脾腎五臟之部分也自目內眥挾鼻而下至承漿屬胆胃大腸小腸膀胱六腑之部分也自額而下頰屬有臂手之部分也自牙車而斜下頤屬股膝脛足之部分也故第二節曰五臟次于中央六腑挾其兩側首面上于闕庭王宮在和陽也病在陰經陽為之表所以宜用陽以和陰也如終始篇瀉胆補肝瀉肝補胆之意明此部分斯為萬舉萬當之妙矣又能別其左右是謂能知大道也又能分別男女是謂能識陰陽也如下文所謂男子色在於面王者為小腹痛女子色見在於面王者為膀胱子處之病者是也

庭者首面也闕上者咽喉也闕中者肺也下極者心也直下者肝也肝左者胆也下者脾也方者臍也面王以上者小腸也面王以下者膀胱子處也

五臟次于中央六腑挾其兩側首面上于闕庭王宮在於下極




男子色在於面王為少腹痛下為卵痛其圍直為逆痛若女子當為膀胱子處之病



首顏咽喉肺心肝脾膽胃腎大腸小腸

臟部肢節於面部之圖
明堂者鼻也闕者眉間也庭者頰也蕃者頰側也蔽者耳門也其間紋方大去之十步如是者壽



頰者肩也頰後者臂也臂下者手也目內眥上者膈乳也挾繩而上者背也循牙車以下者股中央者膝臍也膝以下者脛也當脛以下者足也巨分者股裡也巨屈者膝臍也此五臟六腑肢節之部也

明堂骨高以起平以直明堂潤澤以清

審察澤天謂之良工沉濁為內浮澤為外黃赤為風青黑為痛白為寒黃而膏潤為膿赤甚者為血痛甚為擊寒甚為皮不仁五色各見其部察其浮沉以知淺深察其澤天以觀成敗察其散搏以知遠近視色上下以知病處積神於心以知往今故相氣不微不知是非屬意勿去乃知新故色明不寤沉天為甚不明不澤其病不甚

天妖同
相去聲
搏去聲
見去聲

張此言審察其色以知外因之病也沉濁為內浮澤為外謂外因之病從外而內察其色之浮沉則知病之外內也風乃天之陽邪故色見黃赤痛為陰痺故色見青黑色白為寒色黃而膏潤為癰膿赤甚者為留血痛在筋骨故甚則為拘攣寒傷皮膚故甚為皮不仁此外因之邪見于五色而各見其部察其色之浮沉以知病之淺深察其色之澤天以觀人之成敗察其色之散搏以知病之遠近視其色之上下以

知病之所在夫色脉者上帝之所貴先師之所傳也上古使祝賈季理色脉而通神明合之四時五行八風六合不離其常是以積神於心然後以知往古來今故相氣不微不知是非屬意勿去乃知新故若色明不寤而反見沉天者其病為甚其色雖不明澤而不沉天者其病不甚蓋外因之病宜從外散而不宜內入也

醫部全錄卷之六

註此承上文而言審察部分之澤天者可以悉知其病也部分有潤澤者有天衰者能審察之謂之良工其色為沉為濁病乃在臟故為在內其色為浮為澤病乃在府故為在外黃與赤者為有風青與黑者為有痛白者為有寒黃色而如膏之澤者為有膿赤甚者為有血然青黑雖為痛而痛甚者又為變白者雖為寒而寒甚者又為皮膚之不仁不仁者不知痛癢也此五色者各見于部分之中必察其色之浮而可以知病之淺察其色之沉而可以知病之深察其色之澤而可以知病于上若在下則病在下矣積神氣于己心散而可以知病之近若搏聚則久矣視其色在上而可以知病于上若在下則病在下矣積神氣于己心而病之為已往為今病者皆能知之故相視氣色不能至于精微者不知病之為是為非惟屬意專心而無所搖奪則凡病之為新為故者洞然也且何以知病之為其其色貴于明若明而不能窺大反見況天者病之所以為甚也何以知病之不甚其色雖貴于明澤然不明不澤而不至沉天病之所以不甚也若此則澤天者誠可慮耳

其色散駒然未有聚其病散而氣痛聚未成也

註此承上文而言五色之散者其氣雖痛而聚則未成也駒駒然者色散如駒馬之逸也蓋聚之成否可即色之散聚以為驗故知色散而未有所聚則其病尚散所痛者不過氣耳聚安得而成乎

腎乘心心先病腎為應色皆如是

張此復申明內因之病有聚散死生之別夫藏病之散而不聚則其色散如駒駒然而病未有聚也若搏聚于藏血脈相乘則見搏聚之色而為卒死之病矣駒駒然者如駒之過隙行而不留者也其色行散故病未有聚也夫氣傷痛其病散於氣分而痛者聚未成于血脈也若藏病不出于氣分如腎乘心則心先病而搏聚之赤色出于兩額大如母指矣腎即為應而黑色出于庭亦大如母指矣此藏邪聚於藏從血脈相乘故色皆如是之聚而不散也金匱要畧云血氣入藏即死入府即愈非為一病百病皆然在外者可治入裡者即死

註此承上文而言病有先尅之色所以受尅者為必病也上文言下極者心也心之色主赤故大腸者腎也腎之色主黑今下極之色黑乃腎之乘心也故心先受病以腎色來尅為之應且然不惟心被腎尅者為然凡肝部見肺色脾部見肝色肺部見心色腎部見脾色及六府之相尅者皆如是法以推之耳

男子色在于面王為小腹痛下為卵痛其園直為莖痛高為本下為首孤疝瘡陰之屬也女子在于面王為

膀胱之處之病散為痛搏為聚方圓左右各如其色形其隨而下至臍為淫有潤如膏狀為暴食不潔

註此言部分之色當分男女以知其病也男子之色在于面王鼻端當為小腹痛其色見于面王之下當為陰卵痛其色見于面王之下圓而且直當為莖垂痛其色見于面部高者為本以男子屬陽

上句言未聚在藏下句言未聚在脈中

圖圓同邪斜同

此即下
文所謂
男子為
孤孤女
子為陰
積
病形者
有形之
病在于
腸胃之
分
左為左
右為右
形見於
色也男
左女右
者氣見
於色也
散為病
則其色

在上也。下者為首。其色從上而下者。似物之有首者。向下而行。故病在於內。即如其色。當如狐疝。潰陰之屬也。女子之色在於面。王當為膀胱。經及姪子處。有病。即胞絡宮也。其氣色散者為痛。而不至成聚。若氣色搏聚不散。則成聚。而不止于痛。然其聚之在內者。或方或圓。或左或右。各如其外色之形耳。若其色隨而下行。至于尾。氖則其病之在上者。當有淫浸之物。素問痿論謂之白淫。潤澤如膏之狀者在也。不然。則為暴食。間即出不潔之物耳。何也。其下行之勢。內外一致也。

左為左。右為右。其色有邪聚散而不端。面色所指者也。

此言外因之病色。見于府部者。其病在府。色雖搏聚。非死徵也。面王以上者。小腸也。面王以下者。膀胱子處也。故男子色見于面。王為小腹。痛其圓直為疝。痛夫外因之病。從外而內。其色從上而下。故以高為本。下為所行之首。其病乃在下。狐疝陰癰之屬也。女子色見于面。王為膀胱子處之病。男女之病散在氣分。則為痛。搏于血分。則為聚。夫狐疝陰癰之屬。乃有形之證。其形之或方或圓。或左或右。皆如其色形。蓋病聚于內。則見聚色于外。形方則色方。形圓則色圓。此病形而不病。藏雖有聚色。非死色也。此五藏六府各有部分。有外內能明乎部分。知其外內。萬靈萬當矣。脈者面王之下部也。其面王之色。隨而下。至脈者。主有淫濁之證。其潤澤如膏狀者。為暴食不潔之物。蓋府為陽。而主外。主受納水穀。傳導糟粕。是以或外受風寒。或內傷飲食。皆為病府。而色見于府部也。色見于左。則為病在左。色見于右。則為病在右。其所見之色。或聚或散。皆斜而不端。其搏聚之面色。所謂如指者也。夫血脈傳溜。大邪入藏。則為卒死。今府病而為狐疝陰癰之屬。因邪搏而為聚。病故見其聚色。非入藏也。死徵也。

此又言部分在右。其色有邪氣或聚散而不端正。一如其面色所指。即可以知其病耳。

色者青黑赤白黃。皆端滿有別。鄉別。鄉赤者。其色赤。大如榆莢。在面王為不日。

此言色之搏聚而端滿者。乃大氣入藏。而為卒死矣。青赤白黑。五藏五行之色也。別鄉者。如小腸之部。在面王。而面王者。乃心之別鄉也。膽之部。在肝左。膽部者。肝之別鄉也。大如榆莢者。血分之聚色。即如母指之狀也。不日者。不終日而卒死也。此言五藏之病色。見于本部。五藏之死色。見於別鄉。如心受外淫之邪。而卒死者。其色見于面王。心受內因之病。而卒死者。其色出于額。皆非心藏之本部。但在藏者。其色端滿。而不斜。在府者。其色斜。而不端。此藏府死生之有別也。

高士宗曰。藏真藏於內。絕則從府。而脫于外。故色見于府部。

此又言五色各有別。鄉其色粗者。其病久也。病者異也。別鄉者。即分部也。所謂色者。即青黑赤白黃之散。皆端正。盈滿各有分部。假如心色主赤。小腸亦赤。其色如榆莢。之大在于面王之部。則是小腸有病。非止於一日也。

非止於一日也。

此又言五色各有別。鄉其色粗者。其病久也。病者異也。別鄉者。即分部也。所謂色者。即青黑赤白黃之散。皆端正。盈滿各有分部。假如心色主赤。小腸亦赤。其色如榆莢。之大在于面王之部。則是小腸有病。非止於一日也。

此又言五色各有別。鄉其色粗者。其病久也。病者異也。別鄉者。即分部也。所謂色者。即青黑赤白黃之散。皆端正。盈滿各有分部。假如心色主赤。小腸亦赤。其色如榆莢。之大在于面王之部。則是小腸有病。非止於一日也。

此又言五色各有別。鄉其色粗者。其病久也。病者異也。別鄉者。即分部也。所謂色者。即青黑赤白黃之散。皆端正。盈滿各有分部。假如心色主赤。小腸亦赤。其色如榆莢。之大在于面王之部。則是小腸有病。非止於一日也。

此又言五色各有別。鄉其色粗者。其病久也。病者異也。別鄉者。即分部也。所謂色者。即青黑赤白黃之散。皆端正。盈滿各有分部。假如心色主赤。小腸亦赤。其色如榆莢。之大在于面王之部。則是小腸有病。非止於一日也。

此又言五色各有別。鄉其色粗者。其病久也。病者異也。別鄉者。即分部也。所謂色者。即青黑赤白黃之散。皆端正。盈滿各有分部。假如心色主赤。小腸亦赤。其色如榆莢。之大在于面王之部。則是小腸有病。非止於一日也。

其色上銳首空上向下銳下向在左右如法

散掉為聚則其色聚此申明大氣入藏之色

此承上文以申明端邪之色狀也。銳尖也。空虛也。其色上行者上銳首虛浮而上行其色下行者下銳首虛浮而下行蓋病從內而外者其本在下其首在上病從外而內者其本在上其首在下是以本沉實而首虛浮此端滿之色狀也。有邪而不端者其本在左其首向右行其本在右其首向左行皆如上銳首空下銳首空之法。此病在府而棟為聚之聚色也。○朱永年曰：榆莢上下皆銳但虛浮者其銳形外見所沉之本不見其銳形也。故曰察其浮沉以知淺深。

此又言五色上銳則上向下銳則下向而左右亦然也。色者即上節色也。銳氣色端尖銳也。首空者即上文頗為虛度者首面也。今日首空猶云腦空也。

以五色命藏。青為肝赤為心白為肺黃為脾黑為腎肝合筋心合脈肺合皮脾合肉腎合骨也。

此總結五藏各具五色而各有外內之形層也。上文言赤色出于兩額黑色出于面赤色在面玉此合皮脈肉筋骨視其五色則知病在內之五藏在外合之形層。此五藏內合五行外見五色若外因風寒暑濕之邪而見于色者六氣之應於色也。○倪冲之曰：病五藏於內則外見五色邪中外合之皮脈肉筋骨則內入於五藏此外內出入之道也。按病傳章曰：血脈傳溜大邪入藏可以致死不可以致死生帝曰：大氣入藏奈何。伯曰：病先發於心一日而之肺三日而之肝蓋血脈傳溜故先發於心若邪中皮而內入則先發於肺矣。夫邪從形層次第而入於內者光皮毛而肌腠腰而絡終而脈脈而經經而府藏。此邪在外之皮脈即中內合之五藏故曰人不病而卒死謂不病在外之形層而即入於藏也。
此又言五色屬於五藏而五藏各有所合乃為視色之總訣也。蓋青色屬肝而肝合于筋故見其色之青者即可以知其為筋之病也。餘藏倣此。

論勇第五十

內論勇怯之士思痛不忍痛故名篇

黃帝問於少俞曰：有人於此並行並立其年之長少等也衣之厚薄均也卒然遇烈風暴雨或病或不病或皆病或皆不病其故何也。少俞曰：帝問何急。黃帝曰：願盡聞之。少俞曰：春青風夏陽風秋涼風冬寒風。凡此四時之風者其所病各不同形。黃帝曰：四時之風病人如何。少俞曰：薄皮弱肉者不勝春之虛風。白色

篇內止提腎乘心此言五藏相乘各具五色各有別藏亦如心藏上節單論外因故以高為本下為首此總論外內二因故有上下之別

傷寒小
青龍真
或湯證
即此義
也

雜去聲

薄皮弱肉者不勝夏之虛風青色薄皮弱肉不勝秋之虛風赤色薄皮弱肉不勝冬之虛風也黃帝曰黑色不病乎少俞曰黑色而皮厚肉堅固不傷於四時之風其皮薄而肉不堅色不一者長夏至而有虛風者病矣其皮厚而肌肉堅者長夏至而有虛風不病矣其皮厚而肌肉堅者必重感於寒外內皆然乃病黃帝曰善

朱永年曰上章論五藏之氣見於色而分別於明堂此論五藏之氣充於形而審其虛實蓋皮膚肌腠之間五藏元真之所通會是以薄皮弱肉則藏真之氣虛矣五藏之氣虛則不能勝四時之虛風矣虛風者虛邪不正之邪風也黑者水之色論腎氣之厚薄也不傷於四時之風者謂土旺於四季也不病長夏之風者謂土主於長夏也設有皮厚肉堅而傷於四時之風者必重感於寒也夫在地為水在天為寒腎為水藏上應天之寒氣是以五色藏與天之六氣相合是以五色之薄弱者不能勝四時之風氣也○此章論形中之氣有強弱之不同

此章論形中之氣有強弱之不同
名此言人之受邪而有病否者以其色有不一皮有厚薄肉有堅脆也少俞言四時各有虛邪賊風在春春之青風而為病木來赴上也色白皮薄弱肉者主肺氣不足不能勝夏之陽風而為病火來赴金也色青皮薄肉弱者主肝氣不足不能勝秋之涼風而為病金來赴木也色赤皮薄肉弱者主心氣不足不能勝冬之寒風而為病水來赴火也其所以成病者如此至于有不病者正以色黑而皮厚肉堅者不傷於四時之虛風若色黑而皮薄肉脆者則傷於長夏之虛風耳長夏虛風者見於六月而與陽風同也亦上能赴水之義耳彼黑色而皮厚肉堅者雖長夏之虛風亦不能傷之也豈得不傷於四時之風哉但色黑而皮厚肉堅者亦有四時而為病必其既感於風又重感於寒既病於內又感於外始有所病不然則未必成病也其異於他色之易病者遠矣

黃帝曰夫人之忍痛與不忍痛者非勇怯之分也夫勇士之不忍痛者見難則前見痛則止夫怯士之忍痛者聞難則恐遇痛不動夫勇士之忍痛者見難不恐遇痛不動夫怯士之不忍痛者見難與痛目轉面盼恐不能言失氣驚顏色變化乍死乍生余見其然也不知其何由願聞其故少俞曰夫忍痛與不忍痛者皮膚

靈樞經卷之六

卷之六

卷之六

之厚薄。肌肉之堅脆。緩急之分也。非勇怯之謂也。

張 倪冲之曰。此言形氣之有別也。夫忍痛與不忍痛者。因形之厚薄。堅脆也。勇怯者。氣之強弱也。上節論因形而定氣。此論形氣之各有分焉。蓋形含氣。氣歸形。形氣之可分。不可合。而論者也。

論 此言人之忍痛。不忍痛者。以其皮肉有不同。而非由於勇怯之故也。勇士有不忍痛者。見難雖能向前。而不動。彼怯士之不忍痛者。不能忍痛。其見難雖恐。而遇痛則不動也。勇士有忍痛者。見難固不恐。而過痛亦至。乍死乍生也。殊不知忍痛者。正以皮厚肉堅。且緩也。不忍痛者。正以皮薄肉脆。且急也。豈關于勇怯之

哉。故

黃帝曰。願聞勇怯之所由然。少俞曰。勇士者。目深以固。長衝直揚。三焦理橫。其心端直。其肝大以堅。其胆滿

以傍。怒則氣盛。而胸張。肝舉而胆橫。背裂而目揚。毛起而面蒼。此勇士之由然者也。黃帝曰。願聞怯士之所

由然。少俞曰。怯士者。目大而不減。陰陽相失。其焦理縱。髑髀短而小。肝系緩。其胆不滿。而縱。腸胃挺。膈下空。

雖方大怒。氣不能滿。其胸肝肺雖舉。氣衰復下。故不能久怒。此怯士之所由然者也。

張 朱永年曰。此言勇怯者。本於心之端小。氣之盛衰。肝胆之強弱也。目深以固。長衝直揚。肝氣強也。理者。肌肉之大理。乃三焦通會之處。三焦理橫。少陽之氣壯。而胆橫也。其心端直。自反而縮也。肝大以堅。藏

體之堅大也。胆滿以傍。胆之精汁。充滿於四旁。此肝胆之形質壯盛也。氣盛而胸張。氣之盛大也。肝舉。胆

橫。背裂。毛起。肝膽之氣強也。夫心者。君主之官。神明出焉。肝者。將軍之官。謀慮出焉。胆者。中正之官。決斷

出焉。是以心直。氣壯。肝舉。胆橫。此勇士之所由然者也。目大而不減者。目雖大。而不深固也。陰陽相失者。血

氣不和也。焦理縱者。三焦之理路縱弛也。髑髀短而小者。心小而下也。肝系緩。胆不滿。腸胃挺。膈下空。肝

胆之體質薄也。夫肺主氣。氣不能滿。其胸故雖方。大怒。肝肺雖舉。氣衰復下。此怯士之所由然者也。

論 此論勇怯之士。所以有不同也。夫所謂勇士者。兩日至深。且不轉睛。逃避而甚。固有長衝直揚之勢。內

之三焦。紋理橫生。心則端正。而直。肝則甚大。而堅。胆則汁滿。而橫。▲下怯士。不滿而縱。則此曰滿。而傍

者。義當為滿。而橫也。▼及其怒也。氣盛而胸張。肝舉。而胆橫。背裂。而目揚。毛起。而面蒼。此皆勇士之所以

然也。夫所謂怯士者。外目雖大。而不深。開閉。胸張。肝舉。而胆橫。背裂。而目揚。毛起。而面蒼。此皆勇士之所以

而不堅。雖方大怒。氣不能滿。其胸中。肝葉雖舉。氣衰復下。所以不能久怒。此乃怯士之所以然也。

肝性急
不足則
緩矣
胸中膈
中也為
氣之海

焦當作
顯後世
作脾俞
俞輸通
同母無
同

黃帝曰。怯士之得酒。怒不避勇士者。何藏使然。少俞曰。酒者水穀之精。熱穀之液也。其氣慄悍。其入於胃中。則胃脹氣上逆。滿於胸中。肝浮胆橫。當是之時。固比於勇士。氣衰則悔。與勇士同類。不知避之。名曰酒悖也。

張

朱氏曰。此復申明人之勇怯。本于氣之弱強。氣之壯盛。由胃府水穀之所生也。酒者水穀之精。熱穀之液也。其氣慄悍。故能助氣之充滿。而使肝胆浮橫。然酒散則氣衰。氣衰則悔矣。故善養乎氣者。飲食有節。起居有常。則形氣充足矣。暴喜傷陽。暴怒傷陰。和其喜怒。則陰陽不相失矣。形氣壯盛。雖遇烈風暴雨。無由入其腠理。而況四時之虛風乎。倪氏曰。氣之敢勇。本于心之端直。肝之大堅。胆之汁滿。是氣生于形也。氣滿胸中。而使肝浮胆橫。是形本乎氣也。形不離乎氣。氣不離乎形。此天之生命。所以立形定氣。以觀人之壽夭者也。高士宗曰。怯士之得酒。與勇士同類。即雖方大怒。肝肺舉而氣衰。復下相同。蓋因酒因怒。以壯其氣。酒散氣衰。則復怯矣。故無暴其氣。此善養乎大勇者也。

張

此言怯士得酒而不避勇士之故也。蓋酒為水穀之精。熱穀之液。此語又見營衛生會篇。其氣則慄悍。故入於胃中。則胃脹氣逆。胸滿肝浮。胆橫斯時。方將自比於勇士。而不知避之。至于酒氣既衰。則悔比之。謂因酒而悖逆者耳。

背膪第五十一

論五藏之膪
在背故名膪

黃帝問於岐伯曰。願聞五藏之膪。出於背者。岐伯曰。背中大膪。在脊骨之端。肺膪在三焦之間。心膪在五焦之間。膪膪在又焦之間。肝膪在九焦之間。脾膪在十一焦之間。腎膪在十四焦之間。皆挾脊相去三寸。所則欲得而驗之。按其處。應在中而痛解。乃其膪也。灸之則可。刺之則不可。氣盛則瀉之。虛則補之。以火補者。毋吹其火。須自滅也。以火瀉者。疾吹其火。傳其艾。須其火滅也。

張

背膪之曰五藏六府之俞。皆在于背。帝止問五藏之俞者。藏府雌雄相合。論地之五行也。焦。椎也在脊。背骨節之交。督脈之所循也。大行在第一椎端之兩旁。肺俞在三椎之間。心俞在五椎之間。膪俞在又椎之間。肝俞在九椎之間。脾俞在十一椎之間。腎俞在十四椎之間。皆挾脊相去三寸。所左右各間中行一寸五分也。按其俞。應在中而痛解者。太陽與督脈之相通也。是以問五藏之俞。而先言大行者。乃項後

靈樞經

卷六

十四

督脉應
天道之
環轉一
周水隨
天氣而
運行

大骨之端督脉循於脊骨之第一椎也。問五藏而言，上焦之骨胸者，五藏之氣皆從內膈而出，故曰上焦之旁，中有心馬中膈者，皆為傷中，其病雖愈，不過一歲必死。夫五藏之俞皆附於足太陽之經者，膀胱為水府，地之五行本于天一之水也。按太陽之經而應于督脉者，太陽寒水之氣，督脉總督一身之陽，陰陽水火之氣交也。及之則可者，能故藏陰之氣也。刺之則不可者，中心者環死，中脾者五日死，中腎者七日死。中肺者五日死，蓋逆刺其五藏之氣，皆為傷中，非謂中于藏形也。以火補之者，以火濟水也。以火瀉之者，艾名水壘，能於水中取水，火能啟發陰藏之氣，故疾吹其火，即傳上其艾，以導引其外出也。朱氏曰：太陽之上，寒水主之，是以標陽而本寒，東水，火陰陽之氣者也。督脉環遠於周身之前後從陰而上行者，循陰器別遠，腎上股內後廉貫脊，屬督脉，環繞於前後上下，而屬絡于兩腎者也。天一生水，地二生火，此太極脊抵腰中，下循督脉，腎是督脉，環繞於前後上下，而屬絡于兩腎者也。天一生水，地二生火，此太極始分之陰陽，人秉先天之水火，化生五行，以成此形，是以五藏之俞皆在于背，故背中大膈，在背者，大膈者，膈俞也。中行七椎為主，肝俞以中行九椎為主，脾俞以中行十一椎為主，腎俞以中行十四椎為主，左右各開中行一寸半，按中行脊骨而計之，則相去三寸，所故欲得驗諸穴者，乃按其處，其中必應之，而內痛乃解，是乃五藏之各俞穴也。但及之則可刺之，則不可，故邪氣或則瀉之，正氣虛則補之，凡以艾火而補之者，毋吹其火，必待其火之自滅可也。以艾火而瀉之者，當疾吹其火，即傳遞其艾，以繼之，須其火之速滅可也。

衛氣第五十二

論內所論不止衛氣，正有其浮氣之不循經者，為衛氣一句，今以名篇者，揭衛氣之為要耳。

黃帝曰：五藏者，所以藏精神魂魄者也。六府者，所以受水穀而化行物者也。其氣內於五藏，而外絡支節，其浮氣之不循經者，為衛氣，其精氣之行於經者，為榮氣。陰陽相隨，外內相貫，如環之無端，亭亭淳淳乎，孰能窮之。然其分別陰陽，皆有標本虛實，所離之處，能別陰陽十二經者，知病之所生，候虛實之所在者，能得病之高下，知六府之氣街者，能知解結契紹於門戶，能知虛實之堅軟者，知補瀉之所在，能知六經標本者，可以無惑於天下。

人之經脈如長江大海
人之經脈如長江大海
人之經脈如長江大海
人之經脈如長江大海

此章論榮行脈中衛行脈外然經脈皮膚之血氣外內出入陰陽相貫環轉之無端也其氣者謂水穀
所生之榮衛內榮於五臟以養精神魂魄外行於支節以濡筋骨關節此言藏府陰陽十二經脈之外
內也其浮氣之不循經者為衛氣其精氣之行于經者為榮氣謂榮行脈中衛行脈外各走其道交相逆
如珠無端莫知其紀也合天地之序毒乃陰陽之化清者為清濁者為濁清者為清濁者為濁清者為清
實氣雜之處蓋以經脈所起之處為本所出之處為標虛實者謂血氣出于氣街離經脈而榮于為膝則
經脈虛而皮膚實矣高下者謂本在下而標出於上也氣街者氣之徑路絡絕則經通乃經脈之血氣從
此離絕而出于脈外者也配合也昭顯也門戶者血氣所出之門戶如六府之氣街則知血氣之結于脈
內者解而通之脈內之血氣與脈外之氣血相合相繼而行則知出于氣街之門戶矣脈內之血氣從氣
街而出于脈外脈外之氣血從井榮而溜於脈中出于氣街則經脈虛軟而皮膚石堅溜於脈中則經脈
石堅而皮膚虛軟故能知虛實則知補瀉之所在矣皮膚之氣血循海之布雲氣於天下經脈之血氣合
經水之流貫於地中故能知六經之標本可以無惑於天下篇若衛氣者謂脈內之榮氣出于氣街與衛
氣相輔而行陽而夜行於陰也夫榮衛者水穀之精氣榮行脈中衛行脈外乃無形之氣也水穀之津液
化而為血以奉生身命曰榮氣乃有形之血行于經脈皮膚者皆謂之榮氣夫充膚熱肉之血有從衛脈
而散於皮膚者有從大絡而出于脈外者有隨三焦出氣之津液化而為赤者皆謂之榮氣蓋以血為榮
血之氣為榮氣也此章論行于脈中之榮氣出于氣街與衛氣相輔而行故篇名衛氣曰陰陽相隨外內
相貫血氣之生始出入陰陽離合頭緒紛紜
學者當於全經內細心窮究庶可以無惑矣

此言榮衛藏府標本之難窮而能窮之者可以盡病法而高天下也人有五臟精神魂魄賴之以藏人
有六腑水穀等物賴之以化六腑為表其氣內連於五臟而外則絡于支節人有三焦宗氣積于上焦
榮氣出于中焦衛氣出于下焦下焦之氣升于中焦以達於上焦而生此衛氣衛氣陽性慍悍行於皮膚
分肉之間乃浮而在外者也故曰其浮氣之不循經者為衛氣營衛生會篇云衛在肺外中焦之氣
在脈中衛氣盡行於陽經夜行於陰經隨榮氣由肺經以行於十二經陰陽相隨外內相貫如珠無端運
行不息亭亭乎何其理之高且虛也淳淳乎何其理之渾且微也孰能窮之然所以分別陰陽諸經者皆
有標本虛實之處故能分別手足之十二經者必能知病之所生在何經也後侯諸經虛實之所在必能
知病之為高為下也六府之氣往來有街氣有往來之街見下文手足陽明胃經之氣街必
能知所解所結所契所紹之門戶也契者合也紹者繼也能知病虛之為數病實之為堅者必能知
刺法補瀉之所在也凡此者皆以其能知手足六經之標本故耳真能洞
察乎此而非天下之所能惑矣前禁服為云可以為天下師者即此也

岐伯曰博哉聖帝之論臣請盡意悉言之足太陽之本在跟以上五寸中標在兩絡命門命門者目也足少

岐伯曰博哉聖帝之論臣請盡意悉言之足太陽之本在跟以上五寸中標在兩絡命門命門者目也足少

岐伯曰博哉聖帝之論臣請盡意悉言之足太陽之本在跟以上五寸中標在兩絡命門命門者目也足少

岐伯曰博哉聖帝之論臣請盡意悉言之足太陽之本在跟以上五寸中標在兩絡命門命門者目也足少

陽之本在竅陰之間標在窗籠之前窗籠者耳也足少陰之本在內踝下上三寸中標在背膕與舌下兩脉也足厥陰之本在行間上五寸所標在背膕也足陽明之本在厲兌標在人迎頰挾頰顙也足太陰之本在中封前上四寸之中標在背膕與舌本也

經云 此分別十二經脉之本出于手足之腕踝其標在于胸腹頭氣之街標者猶樹之稍杪杪絕而出于絡外之徑路也本者猶木之根幹經脉之血氣從此而出也足太陽之本在跟以上五寸中其標在于兩目而出于頭氣之街夫氣在頭者止之於腦兩目之脉入于腦而絕於內也足太陽之本在足竅陰之間其標在耳窗籠之前而出于頭氣之街是少陰之本在內踝下上三寸中其標在于背膕與舌下之兩脉而出于胸氣之街蓋氣在胸者止之膺與背俞謂絡脉之循於胸膺或絕於膺膺之街受藏水穀之精故從本絕也根絡篇曰少陰結于廉泉舌下兩脉廉泉五英也蓋少陰主先天之精膺膺之街受藏水穀之精故從本經之絡脉而出于胸氣之街復從任脉而上出于廉泉從衝脉而下出于脛氣之街少陰之本在足之厲兌標在人迎頰挾頰顙而出于頭氣之街頰顙者鼻之上竅以收洞涕者也足太陰之本在中封前上四寸之中標在背膕與舌本而出于胸氣之街蓋三陽之經上循于頭是以絡脉亦上出于頭而始絕三陰之脉止於膺胸之間故絡脉亦至膺與背俞而止按此章與根結篇大義相同而各有各別根結篇論三陰三陽之開闔樞者三陰三陽之氣也入于脉中為闔出入于皮膚經絡之外內為樞此論氣而及於脉絡也此章論血氣入于十二經脉之中以合三陰三陽之氣故曰太陽少陽陽明太陰少陰厥陰而不言藏府之經脉此論絡脉而及於氣也蓋血氣之行於膺表者應六太陽少陽陽明太陰少陰厥陰之於皮膚之氣血溜注于脉中應天泉之復通貫於地內五運行篇之所謂燥勝則地乾暑勝則地熱風勝則地動濕勝則地泥寒勝則地裂火勝則地固也十二經脉應經水之流行于地中經脉之血氣從絡脉而出于膺表猶經水之從支流而注於海之雲氣復上通於天是也論陰陽六氣不離乎經脉論十二經脉不離乎陰陽人與天地參也

經云 此先言足六經之標本也足太陽膀胱經之本在于足外跟以上五寸中即附陽穴附陽本在外踝上三寸今日跟在五寸則踝下至跟有二寸而踝上又三寸則當是附陽穴也其標在于兩絡命門者命門者目也即睛明穴睛明左右有二故曰兩絡按本經根結篇言太陽根於至陰結于命門命門者目也少陽胆經之本在竅陰之間足第四指端去爪甲如韭葉標在窗籠之前窗籠者耳也即聽宮穴也根結篇同足少陰腎經之本在內踝下上三寸中即交信穴其標在于背膕俞穴與舌下兩脉橋根結篇當是廉泉穴也根結篇云少陰起于湧泉結于廉泉足厥陰肝經之本在行間上五寸所疑是中封穴標在背之肝俞穴根結篇云厥陰根于大敦結于玉英足陽明胃經之本在厲兌標在人迎頰挾頰顙也根結篇云陽明根于厲兌結于頰大顙大者鉗耳也足太陰脾經之本在中

封前上四寸之中疑是三陰交穴標在背之脾俞與五本廉泉穴也。根結篇云太陰根於隱白結於太倉。

手太陽之本在外踝之後。標在命門之上。一寸也。手少陽之本在小指次指之間。上二寸。標在耳後上角下

外眥也。手陽明之本在肘骨中。上至別陽。標在頰下合鉗上也。手太陰之本在寸口之中。標在腋內動也。手

少陰之本在銳骨之端。標在背膈也。手心主之本在掌後兩筋之間。二寸中。標在腋下三寸也。

經 手太陽之本在外踝之後。標在命門之上。一寸而出于頭氣之街。手少陽之本在小指次指之間。上二寸。標在耳後上角下外眥而出于頭氣之街。手陽明之本在肘骨二至別陽。標在頰下合鉗上而出于

頭氣之街。鉗上者耳上也。手太陰之本在寸口之中。標在腋內之動處。而出于胸氣之街。手少陰之本在

銳骨之端。標在背膈而出于胸氣之街。手心主之本在掌後兩筋之間。二寸中。標在腋下三寸。而出于胸

氣之街。絡十二經脈之終始。出于井。溜于榮。注于俞。行于經。入于合。而內屬于藏府。此藏府之十二經脈

也。十二經脈之支別。故曰此氣之大絡也。絡絕則經通。蓋血氣從絡脈之起處為本。盡處

為標。而出于氣街也。然支絡乃經脈之分派。故曰足太陽之本在跟以上五寸中。足少陰之本在內踝下

三寸中。蓋以支本所分之處為本。而不在于經俞之穴會也。至于標在頭氣之街者。止之于腦。如太陽

之在目內。少陽之在耳中。陽明之在頰。頰乃三陽之絡。脈絕于頭腦之中。亦非頭面之穴會也。經脈之內

屬藏府。外絡形身。應神機之出入。血氣之從絡脈出于氣街。運行于膚表。應精氣之降升。出入廢則神機

化滅。升降息則氣立。孤危。故曰亭亭。清高。孰能窮之。言血氣之升降出入。合天地之化育。運行無息者也。

論 此言手六經之標本也。手太陽小腸經之本在手外踝之後。疑養老穴。標在命門之上。一寸。疑

是督脈經命門上。即十三椎懸樞。手少陽三焦經之本在手小指之四指間。上二寸。當是腋門穴

標在耳後之上角。當是懸竹穴。手陽明大腸經之本在肘骨中。當是曲池穴。上至別陽。標在

頰下合于鉗上。疑是胃經頭維穴。手太陰肺經之本在寸口之中。即太淵穴。標在腋內動脈。即中府

絕盡也
血氣從
絡脈之
盡

石當作
寔

血氣從
經脈出
于絡脈
而上出

靈樞經

卷之

十六

即足陽明胃經之天樞穴也。氣之行于足脛者止之于氣街。此即足陽明胃經之衝脈穴一穴而二經者也。及足太陽膀胱經之承山穴。在腓下一寸半。及外踝上下諸穴。然凡取此四街宜用以九針論第
上之毫針。先按其處而為時。既久其氣應手。乃以針刺之。其所治者在頭則主頭痛。眩仆在腹則
主腹痛。中滿暴脹。及有新積。但積痛而可以移之者。其病易已。若有積而不痛。則雖治之亦難已也。

論痛篇五十三

內有針石火燭之痛耐
與不耐等義故名篇

黃帝問於少俞曰：筋骨之強弱，肌肉之堅脆，皮膚之厚薄，腠理之疏密，各不同。其于鍼石火燭之痛如何？腸

胃之厚薄，堅脆亦不等。其于毒藥何如？願盡聞之。少俞曰：人之骨強筋弱，肉緩皮膚厚者，耐痛。其于鍼石之

痛，火燭亦然。黃帝曰：其耐火燭者，何以知之？少俞答曰：加以黑色而美骨者，耐火燭。黃帝曰：其不耐鍼石之

痛者，何以知之？少俞曰：堅肉薄皮者，不耐鍼石之痛。于火燭亦然。

釋 此承上文復申明。明人之皮肉筋骨皆精少陽陽明之所資生而資養之也。少陰秉先天之精氣，陽明化

水穀之精微，是以筋骨之強弱，肌肉之堅脆，皮膚之厚薄，腠理之疏密，皆秉氣于少陰陽明者也。黑色

而美骨者，少陰之血氣盛也。肉緩皮膚厚者，陽明之血氣盛也。莫于曰腎為水藏，故少陰之氣盛者，能耐火燭。陽明秉秋金之氣，故氣弱不能耐針石火燭矣。

釋 此言人于鍼石火燭有耐痛與不耐痛之異也。毒藥之勝與不勝，分見末節。針石者，古人以石為

針也。火燭者，灸火也。人之骨強筋弱，肉緩皮膚厚者，必耐于痛。凡鍼石火燭皆然也。然耐火燭者，又加

以黑色，而其骨美耳。人之肉堅皮薄者，不耐于痛。凡針石火燭皆然也。

黃帝曰：人之病或同時而傷，或易已，或難已，其故何如？少俞曰：同時而傷，其身多熱者易已，多寒者難已。

釋 此分論少陰之氣少陰者至陰也，而為生氣之原，故其身多熱者少陰之生氣盛也。多寒者少陰之生

氣虛也。人之形氣生于後天之水穀，始於先天之陰陽形氣。盛則邪散，形氣虛則邪留，是以病之難易

已者，由少陰生氣之盛衰也。朱氏曰：少陰先天之精氣，藉後天水穀以資培。兩火中合，故曰陽明陽明東

厥論曰：氣者於
中
資培下節論陽明受
少陰之氣以合化

勝乎聲

論此言人有同病而有易已難已之分也蓋多熱則邪猶在表故易已多寒則邪入於裡故難已耳

黃帝曰人之勝毒何以知之少俞曰胃厚色黑大骨及肥者皆勝毒故其瘦而薄胃者皆不勝毒也

張此復論少陰與陽明之相合也陽明居中土主受納水穀藉少陰之氣上升戊癸相合化大土之氣而後能蒸沁水穀之精液是以胃厚色黑大骨及肥者少陰陽明之氣並盛故皆能勝毒俛氏曰中下

二焦互相資生然後筋骨堅強肌肉豐厚此註與素問厥論合看

論此取上文而言人于毒藥有勝與不勝之異也

天年第五十四

論內以百歲為論故名篇

黃帝問於岐伯曰願聞人之始生何氣築為基何立而為楮何失而死何得而生岐伯曰以母為基以父為

楮失神者死得神者生也素問移精變氣論云得神者昌失神者亡也

張魄中之曰此篇論人之生死壽夭皆本于少陰陽明也夫陽為父陰為母基始也言人本于少陰而始生也楮者于盾之屬所以扞禦四旁謂得陽明之氣而能充實于四體也兩精相搏謂之神兩精者一

生于先天之精一生于水穀之精相搏者搏聚而合一也謂得先後天之精氣充足然後成形與神俱度百歲乃去

論此言人之始終皆有所以然之故也方其始生賴母以為之基坤道成物也賴父以為之楮陽氣以為捍衛也故失父母之神氣則死若守神氣則生矣

黃帝曰何者為神岐伯曰血氣已和榮衛已通五藏已成神氣舍心魂魄畢具乃成人

張朱永年曰此言有生之初得先天之精氣生此榮衛氣血五藏神志而後乃成人

論此取上文而言人之所以得神則生也人有血氣皆已融和人有榮衛皆已通利心之志為神皆舍於心肝之神為魂肺之神為魄皆已畢具此則人之所以為人而得此者則生也

黃帝曰人之壽夭各不同或天壽或卒死或病久願聞其道岐伯曰五藏堅固血脉和調肌肉解利皮膚緻

辛去聲

楮音盾

神者水穀之精氣也

隊隨同
使去聲

經脈之
血氣本
於足皮
膚之血
氣本於
手
莫子曰
身半以
上手陽
明主之
身半以
下足陽
明主之
明主之

密。榮衛之行。不失其常。呼吸微徐。氣度以行。六府化穀。津液布揚。各如其常。故能長久。

張 朱氏曰此言已生之後。藉水穀之精氣。資生榮衛。津液。資養藏府。形身而後能長久。

論 此言人有壽夭。生死之殊。當觀其壽考。而可以推天者之反是也。

黃帝曰。人之壽百歲而死。何以知之。岐伯曰。使道隊以長。基牆高以方。通調榮衛。三部三里起。骨高肉滿。百

歲乃得終。

論 此總論人。秉先後天之精氣。充足榮衛。通調骨肉。豐滿可長。享其天年。使道者。血脈之道。路本輪篇之。所謂間使之道。蓋心包絡之主血脈也。隊行列也。長者環轉之無端也。此言血氣充足。循序而流通也。

土基高以方者。肌肉起發而充于四體也。脈道流陰。肌肉高厚。則榮衛通調矣。三部者。形身之上中下三里者。手足陽明之脈。皆起發而平于等也。骨高者。少陰之氣。盛也。肉滿者。陽明之氣。盛也。如此者。壽之徵也。便

氏曰。心包絡主脈。包絡三焦。乃腎藏所生之氣。出歸於心。下為有形之藏府。而主血脈。此先天之精氣也。基牆者。土基厚而四壁堅固。此後天水穀之精氣也。

論 此言人之百歲而終者之由也。使道者。水溝也。▲俗云。人中。其隊道以長。面之地部為基。耳為蔽。為牆。乃高以方。榮衛之氣。皆已通調。而面之三里。即三部也。▲俗云。三停。皆已聳起。其骨高。其肉滿。所得終也。

黃帝曰。其氣之盛衰。以至其死。可得聞乎。岐伯曰。人生十歲。五藏始定。血氣已通。其氣在下。故好走。二十歲。

血氣始盛。肌肉方長。故好趨。三十歲。五藏大定。肌肉堅固。血脈盛滿。故好步。四十歲。五藏六府。十二經脈。皆

大盛。以平定。腠理始疏。榮華頹落。髮頰頹白。平盛不搖。故好坐。五十歲。肝氣始衰。肝葉始薄。胆汁始減。目始

不明。六十歲。心氣始衰。善憂悲。血氣懈惰。故好卧。七十歲。脾氣虛。皮膚枯。八十歲。肺氣衰。魂離。故言善誤。九

十歲。腎氣焦。四藏經脈。空虛百歲。五藏皆虛。神氣皆去。形骸獨居而終矣。

論 此言人之生長。從陰而生。自上而下。故曰其氣在下。好走好趨。好步者。春夏生動之氣也。人之衰老。從上而下。自陽而陰。故肝始衰。而心。心而脾。脾而肺。肺而腎。好坐。好卧者。秋冬收藏之氣也。肌肉堅固。血

二十

方歲衰
論曰老
從上少

脈盛滿少陰陽明之氣盛也。腰理空疏，髮頰頰白，陽明少陰之氣衰也。朱氏曰：人之生長，先本于腎。藏之精氣，從水而生。木、金、土、先、天、之五行也。人之衰老，從肝、木、以及於火、土、金、水、後、天、之五行也。
[論]此言人之十歲至三十，以漸而盛。四十至五百歲，以漸而衰也。其肝生心，心氣盛於足之六經也。趨者較走更疾矣。步者較趨更緩矣。坐者較步似倦矣。至五十歲以後，則肝生心，心生脾，脾生肺，肺生腎者，每十歲而日衰。故五十歲肝胆衰，六十歲心氣衰，七十歲脾氣衰，八十歲肺氣衰，九十歲腎氣衰，百歲五臟俱衰，善憂悲者，以心主于憂也。好卧者，衛氣不精也。魄離故以肺藏魄者，失其故處也。言善誤肺，主言也。腎氣焦者，水竭則焦也。

黃帝曰：其不能終壽而死者，何如？岐伯曰：其五藏皆不堅，使道不長，空外以張，喘息暴疾，又卑基墻薄，脈少血，其肉不石，數中風寒，血氣虛，脈不通，真邪相攻，亂而相引，故中壽而盡也。

[論]此言人秉先天之氣虛薄，而後天猶可資培，更能無犯賊風虛邪，亦可延年益壽。若秉氣虛弱，而又不，能調養兼之，數中風寒，以改中道，天而不能盡其天年矣。五藏不堅，使道不長，空外以張，喘息暴疾，先天之氣不足也。又卑基墻薄，脈少血，其肉不石，又失其飲食起居之調養矣。數中風寒，又不知虛邪賊風避之有時矣。致使真邪相攻，亂而相引，故中壽而盡也。○魄冲之曰：先天者，腎藏之精氣也。然有生之後，惟藉後天以資培水穀，入口其味有五，津液各走其道，酸先入肝，苦先入心，甘先入脾，辛先入肺，鹹先入腎。五藏主藏水穀之精者也。腎為水藏，受五藏之精而藏之，是以先天之精氣不足，得後天以資養，亦可以其享其永年，故曰六府化穀津液，布揚谷如其常，故能長久。

[論]此言人之中毒而盡者，以內虛而外盛也。五藏皆脆，較之五藏堅固者，異也。水滿不長，較之使道隊以長者，異也。其鼻孔向外而張，鼻為肺竅，肺氣泄矣。師傳篇云：鼻孔在外，膀胱漏泄。又肺主氣，今肺氣不足，故喘息而為暴疾也。基墻甚卑，較之基墻高以方者，異也。脈薄血少，而肉脆，較之骨高肉滿者，異也。數中風寒者，以其血氣虛，脈道不通，所以真邪相攻而相引也。真為正氣，邪為邪氣也。

逆順第五十五

[論]內論氣有逆順，用鍼者當順治，不可逆治，故名篇。

黃帝問於伯高曰：余聞氣有逆順，脈有盛衰，刺有大約，可得聞乎？伯高曰：氣之逆順者，所以應天地陰陽四時五行也。脈之盛衰者，所以候血氣之虛實，有餘不足也。刺之大約者，必明知病之可刺，與其未可刺，與其

已不可刺也

出則內
虛外寔

入則內
有餘外
不足也

大氣已
過刺之

則真氣
脫

逢叶彭

始入於
脉則相
逆真邪
已合則
涌波不
起順脉

張余伯榮曰此論病氣亦隨血氣出入于皮膚經脉之外內而刺之有法也氣有逆順者謂經脉外內之氣交相逆順而行所以應天地陰陽四時五行之升降出入脉有感哀者謂經脉外內之血氣有出入是以有虛有實有餘有不足也刺之大約者必明知病之方來之可刺也與其方感之未可刺也與其已過之不可刺之也

論此言氣有逆順脉有感哀刺有大約也與其已不可刺也言病既已而不必刺也

黃帝曰候之奈何伯高曰兵法曰無迎逢逢之氣無擊堂堂之陣刺法曰無刺熇熇之熱無刺漉漉之汗無刺渾渾之脉無刺病與脉相逆者黃帝曰候其可刺奈何伯高曰上工刺其未病者也其次刺其未感者也其次刺其已衰者也下工刺其方襲者也與其形之盛者也與其病之與脉相逆者也故曰方其盛也勿敢毀傷刺其已衰事必大昌故曰上工治未病不治已病此之謂也

馬按史記軒轅之時神農時世哀諸侯相龍魚河圖云蚩尤兄弟八十一人獸身人語銅鐵頭食沙威振天下黃帝以仁不能禁止乃仰天而嘆天遣玄女下授黃帝兵符山海經云黃帝令應龍攻蚩尤請風伯雨師以從大風雨黃帝乃下天女曰魃以止雨遂殺蚩尤二書似渺然殺蚩尤則真宜此時亦有兵法刺法曰三句及下方其感也四句又見素問

張此言刺法有如兵法當避其來銳擊其惰歸按史記軒轅之時神農時世哀諸侯相侵伐及蚩尤作亂輿論上工治未病二句又見素問四氣調神論逢蒲葦切熇音靠詩板篇多將熇熇朱註云熇熇也

是以無迎逢逢之氣無擊堂堂之陣俟其氣衰輒亂然後擊之無有不克者矣熇熇之熱熱感于皮膚也漉漉之汗邪盛在肌腠也渾渾之脉邪入于經脉也病與脉相逆者真邪相攻也離合真邪論曰夫邪去絡入于經也舍于血脉之中其寒溫未相得如涌波之起也時來時去方其來也必按而止之無逢其衝而瀉之如機之道不脉可掛以髮蓋邪之方感不可迎邪之以往不可追俟其來去之時如發機之速不可

差之毫髮者也刺其未生者未生于脉中未感者邪來之未感已衰故曰方其感也勿敢毀傷謂邪氣方感則真氣大虛故勿致瀉邪以傷正氣刺其已衰事必大昌上工治未病者未病於脉中也蓋傳溜于血脉則有入府于藏之患矣○余伯榮曰按此篇篇名逆順而伯高曰氣之逆順所以應天地陰陽四時五行也是雖論刺之大約而重在氣之逆順夫天道右遷地道左轉四時之氣寒往則暑

來暑往則寒來升降出入于天地之外內者也五藏者生長收藏之氣此皆陰陽相貫環轉無端夫人皮以應天肌肉應地血脉應地之經水氣之逆順謂氣之環轉于經脉皮膚之外內交相逆順而行以應

靈樞經合纂

卷六

十九

天地陰陽四時五行之氣是以下工刺其方變者謂病之方襲于脉中也與其形之盛者謂病之盛于皮
腠而為瀉瀉之熱澆澆之汗也與其病之與脉相逆者謂病邪始入于脉也蓋脉氣之出于皮膚從經而
之相逆也夫邪去絡入于經也如涌波之起時來時去無有常在其病氣已衰則順脉而行矣故曰刺其
已衰事必大昌此篇重在知人氣之逆順應
天地四時五行則知邪病之盛虛出入矣

註此取上文而言病有不可刺之義也上文有與其未可刺一句故此節乃詳明之自上工以至下工有
此四等正以見不可刺而刺者之為下工也達達之氣勢來迫而甚盛者也堂堂之陣陣方整而甚眾
者也故無迎者當避其來銳耳無擊者當擊其惰歸耳瀉瀉者汗之甚多也渾渾者汗之甚少也渾渾者
脉之未清也此皆邪盛之時病勢與脉氣相逆所以皆不可刺也上工方病之未生而刺之其次則雖生
而未盛亦刺之其次則雖盛而已衰亦刺之惟邪氣方襲或病形正盛或病勢脉氣相逆皆不可刺者也
不可刺而刺之是謂下工耳按此篇與處論皆言邪氣甚盛發為甚寒甚熱之際不可輕刺正以病
勢與脉氣相逆然則用藥者亦當先用藥于寒熱未至之先不致外感內傷之寒熱皆當如此若邪氣方
盛而用藥則寒藥反助其寒熱藥反助其熱不能解病而先以增病矣醫者不可不知也惜乎東垣丹
諸君皆未言此所以後之醫者止有常山止瘧等藥則露宿早服而其餘
後時而用者誤矣愚用藥必於邪已衰未盛之時每獲効為甚速云爾

五味第五十六

**篇內詳論五藏所用
五味之義故名篇**

黃帝曰願聞穀氣有五味其入五藏分別奈何伯高曰胃者五藏六府之海也水穀皆入於胃五藏六府皆
稟氣於胃五味各走其所喜穀味酸先走肝穀味苦先走心穀味甘先走脾穀味辛先走肺穀味鹹先走腎
穀氣津液已行榮衛大通乃化糟粕以次傳下

註任谷廣曰此章論五藏六府津液榮衛皆秉氣於胃府水穀之所生養夫穀入於口其味有五各歸所
喜津液各走其道穀氣津液已行榮衛大通所化之糟粕乃傳於小腸大腸循下焦而滲入膀胱也

註此言五味各先走其所喜也肝喜酸心喜苦脾喜甘肺喜辛腎喜鹹故穀氣之五味各先走之也其曰
水穀皆入于胃五藏六府皆稟氣於胃即榮衛生會篇所謂人受氣於穀穀入于胃以傳於肺五藏六
府皆以受氣也其曰穀氣津液已行榮衛大通乃化糟粕以次傳下即榮衛生會篇所謂水穀者常
并居于胃中成糟粕而俱下於大腸而成下焦滲而俱下濟泌別汁循下焦而滲入於膀胱者也

黃帝曰榮衛之行奈何伯高曰穀始入於胃其精微者先出於胃之兩焦以溉五臟別出兩行榮衛之道其
大氣之搏而不行者積於胸中命曰氣海出於肺循喉咽故呼則出吸則入天地之精氣其大數常出三入
一故穀不入半日則氣衰一日則氣少矣周禮天人凡相苛欲生而搏此節與本經邪客篇首蒜大義相同

張

任氏曰此言入胃水穀所生之精氣先出乎胃之兩焦以溉五臟兩焦上焦中焦也上焦出胃上口中
焦亦並胃中故曰胃之兩焦穀入于胃以傳于肺五臟六府皆以受氣別出兩行榮衛之道其清者為
榮濁者為衛榮行脈中衛行脈外大氣宗氣也胸中體中也其宗氣之搏而不行者積于胸中命曰氣海
上出于肺循喉咽以司呼吸呼則氣入也天食人以五氣地食人以五味穀入于胃化其精微
有五氣五味故為天地之精氣五穀入于胃也其糟粕津液宗氣分為三隧故其大數常出三入一蓋所
入者穀而所出者乃化糟粕以次傳下其津液溉五臟而生榮衛其宗氣積於胸中以司呼吸其所出有
三者之隧道故穀不入半日則氣衰一日則氣少矣○余伯榮曰按本篇言大氣之搏而不行者積於胸
中命曰氣海出於肺循喉咽故呼則出吸則入此宗氣之行于脈外也蓋肺主皮毛人一呼則氣出而入
中出于喉曬以貫心脈而行呼吸此宗氣之行於脈中也一呼一吸脈行六寸晝夜一萬三千五百息脈
行八百十大為一周此應呼吸而脈行循度環轉者也故曰宗氣流于海其下者

注于氣街其上者走于息道蓋行於脈外者宜下注於氣街而充溢于皮毛也

靈

此言穀化精微之氣者為榮氣衛氣大氣以主三焦而氣乃由出入少故穀不得不續用也胃納穀氣
脾乃化之其精微之氣先出於中焦升則行于上焦由肺而氣乃由出入少故穀不得不續用也胃納穀氣
而下行者積於上焦即胸中又名膻中命曰氣海主出入於肺循喉咽而出入之鼻中出
氣為呼則氣從是出入氣為吸則氣從是入一呼脈行三十一吸脈行三十三呼則氣從是入一
晝一夜計有一萬三千五百息則脈之一十六大尺者亦積行八百十大矣但穀化之精氣呼則出之
天地之精氣吸則入之其大數穀化之精氣出之者三分則天地之精氣入之者一分惟其出入少
故人半日不再用穀則穀化之氣衰至一日則精氣少故晁錯曰民生一日不再食則飢者正此意也

黃帝曰穀之五味可得聞乎伯高曰請盡言之五穀稗米甘麻酸大豆鹹麥苦黃黍辛五果棗甘杏酸栗鹹
杏苦桃辛五畜牛甘犬酸猪鹹羊苦雞辛五菜葵甘韭酸藿鹹蕤苦葱辛

靈

此言五穀五果五畜
五菜各有五味也

靈樞經合纂

卷六

二十

色合於
氣氣合
於味

五色。黃色宜甘。青色宜酸。黑色宜鹹。赤色宜苦。白色宜辛。凡此五者，各有所宜。所謂五色者，脾病者宜食稊米飯。牛肉、棗、葵。心病者宜食麥、羊肉、杏、薤。腎病者宜食大豆、黃卷、豬肉、栗、藿。肝病者宜食麻、犬肉、李、韭。肺病者宜食黃黍、雞肉、桃、葱。

張余伯榮曰：五穀為養，五果為助，五畜為益，五菜為充。氣味合而服之，以補精益氣。是以五色合五味而各有所宜也。五臟內合五行，外合五色。五味入胃，各歸所喜，津液各走其道，以養五臟。故五臟病者，隨五味所宜也。

論此言五色與五味相宜，而五臟之病各有所當用也。黃色屬土，甘味屬土，脾亦屬土，故色之黃者宜甘。而脾病者主脾氣不足，宜食穀果畜菜之甘者，以益之。赤色屬火，苦味屬火，心亦屬火，故色之赤者宜苦。而心病者主心氣不足，宜食穀果畜菜之苦者，以益之。黑色屬水，鹹味屬水，腎亦屬水，故色之黑者宜鹹。而腎病者主腎氣不足，宜食穀果畜菜之鹹者，以益之。青色屬木，酸味屬木，肝亦屬木，故色之青者宜酸。而肝病者主肝氣不足，宜食穀果畜菜之酸者，以益之。白色屬金，辛味屬金，肺亦屬金，故色之白者宜辛。而肺病者主肺氣不足，宜食穀果畜菜之辛者，以益之。此即宣明五氣論之所謂五入也。

五禁肝病禁辛，心病禁鹹，脾病禁酸，腎病禁甘，肺病禁苦。

張余氏曰：五味五氣有生有剋，有補有瀉。故五臟有病，禁服勝剋之味。

論此言五臟之味有五禁，皆五行之相剋者也。金剋木，故肝病禁辛。水剋火，故心病禁鹹。木剋土，故脾病禁酸。土剋水，故肺病禁甘。火剋金，故腎病禁苦。此節當與素問宣明五氣論之五禁本經九鍼論之五禁參看。按宣明五氣篇云：辛走氣，氣病無多食辛。鹹走血，血病無多食鹹。苦走骨，骨病無多食苦。甘走肉，肉病無多食甘。酸走筋，筋病無多食酸。是謂五禁。又按九鍼論云：病在筋無食酸，病在氣無食辛。病在骨無食鹹，病在血無食苦。病在肉無食甘。

肝色青，宜食甘。稊米飯、牛肉、棗、葵、杏、甘。心色赤，宜食酸。犬肉、麻、李、韭皆酸。脾色黃，宜食鹹。大豆、豕肉、栗、藿皆辛。肺色白，宜食苦。麥、羊肉、杏、薤皆苦。腎色黑，宜食辛。黃黍、雞肉、桃、葱皆辛。

論藏氣法時論曰：肝苦急，急食甘以緩之。心苦緩，急食酸以收之。脾苦濕，急食苦以燥之。肺苦氣上逆，急食苦以泄之。腎苦燥，急食辛以潤之。夫色者氣之華也，緩急燥濕藏氣之不和也。五臟有五氣之苦，故

苦乃火
之味故

宜五味以調之用陰而和陽也愚按脾苦濕急食苦以燥之而又曰脾色黃宜食鹹大豆豕肉粟藿皆鹹蓋脾為陰中之至陰而主濕土之氣乃喜燥而惡寒濕者也故宜食苦以燥之然灌漑於四臟王氣潤濕而右乃流行故又宜食鹹以潤之是以玉機真藏論曰脾者土也孤藏以灌四旁者也其來如水之流者此謂太過病在外故宜急食苦以燥之如鳥之喙在中謂如黔喙之屬良止而不行是以食鹹以滋其潤燥而灌漑也蓋脾為土藏位居中央不得中和之氣則有太過不及之分是以食味之有兩宜也

素問 此文言五藏有宜食之味皆自其所苦者而治之也素問藏氣法時論云肝苦急食甘以緩之心苦緩急食酸以收之脾苦濕急食苦以燥之肺苦氣上逆急食苦以泄之腎苦燥急食辛以潤之至末又云肝色青宜食甘粳米牛肉棗葵皆甘心色赤宜食酸小豆▲本經作麻▼犬肉李韭皆酸肺色白宜食苦麥羊肉杏薤皆苦脾色黃宜食鹹大豆豕肉粟藿皆鹹腎色黑宜食辛黃黍雞肉桃葱皆辛夫前既曰脾苦濕急食苦以燥之而後乃云脾色黃宜食鹹故元子云究斯宜食乃調利機關之義也腎為胃關脾與胃合故假鹹柔軟以利其機關利而胃氣乃行胃行而穀氣方化故脾之宜味與各藏不同也此節與素問同

水脹第五十七

素問 內有水與膚脹字義故名篇

黃帝問於岐伯曰水與膚脹鼓脹腸覃石瘕石水何以別之

張 余伯榮曰此章論寒水之邪而為水與膚脹鼓脹腸覃石瘕諸證經云太陽之上寒水主之寒者水之氣也腎與膀胱皆積水也故曰石水石水者腎水也如水溢于皮間則為皮水寒乘于肌膚則為膚脹留于空郭則為鼓脹客于腸外則為腸覃客于子門則為石瘕皆水與寒氣之為病也夫邪之所湊其正必虛外之皮膚肌腠內之藏府募原腸胃空郭皆正氣之所循行氣化則水行氣傷則水凝聚而為病是以凡論水病當先體認其正氣知正氣之循行出入則知所以治之之法矣

岐伯 答曰水始起也目窠上微腫如新卧起之狀其頸脈動時發陰服間寒足脛腫腹乃大其水已成矣以

手按其腹隨手而起如裹水之狀此其候也

張余氏曰此太陽膀胱之水溢于皮膚而為水脹也太陽之氣運行于膚表此水隨氣溢而為病也太陽之脈起于目內眦上額交巔循頰而下目窠上微腫水循經而溢于工也其頸脈動水傷氣而及於脉也效者水邪上乘于肺也陰股寒是經腫太陽之氣虛而水流于下也腹大者水注而土虛也水在皮中故按之隨手而起如裹水之狀此其候也

論此言水之證也病方起時目之下為窠俗云卧蚕其微有所腫如新卧起之狀大抵人之卧起者其目窠上必腫也頸脉即人迎穴也此脉動于頸而放動于內在陰股則冷在足脛則腫在上腹則大

以手按其腹則隨手而起如裹水狀此水病已成而可驗者也按素問陰陽別論云三陰結謂之水故元子云三陰者謂脾肺之脉俱寒結也脾肺寒結則氣化為水又按本經五癰津液篇有云五穀之精

氣和合而為膏者內滲入于骨空補益腦髓而不流於陰股陰陽不和則使液溢而下流於陰髓液皆減而上下過度則虛虛故腰背痛而脛痠陰陽氣道不通四海閉塞三焦不瀉津液不化水穀并于腸胃之中別于迴腸留于下焦不得滲膀胱則下焦脹水溢則為水脹又按論疾診尺篇言風水膚脹視人之

目窠上微腫如新卧起狀其頸脉動時劫按其手足窞而不起則當知隨手而起為有水無風窞而不起有筋也

黃帝曰膚脹何以候之岐伯曰膚脹者寒氣客於皮膚之間皜皜然不堅腹大身盡腫皮厚按其腹窞而不起腹色不變此其候也

張余氏曰寒者水之氣也此無形之氣客于皮膚而為虛脹也無形之氣故皜皜然不堅腹脹故腹大身盡腫也寒氣在于肌腠故皮厚窞深也夫水在皮中故按之即起此病在起故按其腹窞而不起腹色

不變者寒氣在皮而脾土未傷也

論此言膚脹之證也寒氣客于皮膚之間其聲皜皜然而不堅其腹大其身盡腫其皮厚但按其腹則窞而不

起其腹色亦不變此膚脹之候也按論疾診尺篇之風水膚脹當為感風而成此膚脹者乃曰

寒氣所客似宜有風寒之異且彼言按其手足窞而不起此曰按其腹窞而不起則當知窞而不起相同特有手足與腹之異宜詳辨之

鼓脹何如岐伯曰腹脹身皆大與膚脹等也色蒼黃腹筋起此其候也

張余氏曰此寒氣乘于空郭之中所謂藏寒生滿病也藏寒者水藏之寒氣感而

火土之氣衰也身皆大者脾主肌肉也色蒼黃者筋起者主斂而木氣乘之也此言鼓脹之候也腹脹而周身皆大與膚脹相等但其色蒼黃腹中筋起為候耳按鼓脹與膚脹等不言按之起與不起當亦是不起者惟其腹筋起者為辨又按素問腹中論黃帝曰有病心腹滿

藏舊大
歲今改
正
離藏故
如懷子
之狀推
之則移

留者一
月而下
不主姓
張故曰
惡血

且食則不能暮食名為何病岐伯曰名為鼓脹治
之以雞矢醃一劑知二劑已此方果有奇驗云

腸覃何如岐伯曰寒氣客於腸外與衛氣相搏氣不得營因有所繫癖而內著惡氣乃起瘕肉乃生其始生也
大如雞卵稍以益大至其成如懷子之狀久者離藏按之則堅推之則移月事以時下此其候也

張此寒氣客于腸外而生覃也夫衛氣夜循藏府之募原行陰二十五度寒氣客于腸外與衛氣相搏則
衛氣不得營行矣因有所繫癖而內著者此無形之氣相搏于腸外空郭之中而著于有形之膏募也

是以血肉之惡氣乃起瘕肉乃生而成此覃久則離于藏府之脂膜如懷
子之虛懸按之則堅推之則移不涉於藏府故月事以時下此其候也

論此言腸覃之證也寒氣客於腸之外衛氣有時而入寒氣與衛氣相搏衛氣不得營運彼此相繫癖而
內著于腸致使惡氣從茲而起瘕肉乃生其始生也大如雞卵及其成也如懷子之狀久者歲以度歲
非止一歲用手按之則堅推之則移附於腸外而
不在胞中故月事以時而下此腸覃之為候也

石瘕何如岐伯曰石瘕生於胞中寒氣客於子門子門閉塞氣不得通惡血當瀉不瀉血以留止日以益大
狀如懷子月事不以時下皆生於女子可導而下

論此言石瘕之證也石瘕必生于胞中正以寒氣客于子門子門閉塞氣不得通于外惡血之在內者當
瀉不瀉惡血者名為血留止于胞中日以益大其狀亦如懷子惟石瘕生于胞中而不在腸外故曰
於女子治之
者可導下之

論此言石瘕之證也石瘕必生于胞中正以寒氣客于子門子門閉塞氣不得通于外惡血之在內者當
瀉不瀉惡血者名為血留止于胞中日以益大其狀亦如懷子惟石瘕生于胞中而不在腸外故曰
於女子治之
者可導下之

黃帝曰膚脹鼓脹可刺耶岐伯曰先瀉其脹之血絡先調其經刺去其血絡也

張余氏曰膚脹者寒氣客于外鼓脹者寒氣客于內故先瀉其脹之血絡後調其經刺去其血絡蓋先瀉
其外後調其內而後治其外內之相通也任氏曰腸覃石瘕乃有形之血積可從氣分而導之膚脹
鼓脹乃無形之氣脹可從血
絡而瀉之血氣之相通也

此言刺膏脹鼓脹之法也二服皆有血絡須先濕之後當分經以調之其有血絡又當再刺去之可也
按帝有石水之問而伯無所答素問陰陽別論多陰少陽曰石水少腹腫與此同但本篇之所謂水
則即陰陽別論之所謂三陰結謂之水與石水不同

賊風第五十八

內有賊風
故名篇

黃帝曰夫子言賊風邪氣之傷人也令人病焉今有其不離屏蔽不出室穴之中卒然病者非不離賊風邪氣其故何也岐伯曰此皆嘗有所傷於濕氣藏於血脉之中分肉之間久留而不去若有所墮惡血在內而不去卒然喜怒不節飲食不適寒溫不時腠理閉而不通其開而遇風寒則血氣凝結與故邪相襲則為寒痺其有熱則汗出汗出則受風雖不遇賊風邪氣必有因加而發焉

此篇論病形而傷其精氣神也三邪雜至合而為痺在內而傷其精氣神者有似乎鬼神可祝由而已也篇名賊風者言往古之人性淡虛無精神內守邪不能深入故可移精祝由而已當今之世不然憂患營其內若形傷其外賊風數至虛邪朝夕內至五藏骨髓外傷空竅肌膚故祝由不能已也夫心生脈諸血者皆屬於心嘗有所傷於濕氣藏於血脉之中則傷心藏之神矣分肉者三焦通會元真之處留于分肉之間則傷其氣矣若有所墮則有傷于筋骨筋即為肝骨即為腎血即為心惡血在內則傷心藏之神有傷于筋則傷肝藏之魂有傷于骨則傷腎藏之精卒然喜怒不節則更傷所藏之神魂飲食不適則更傷水穀之精液寒溫不時則傷在外之形氣形氣傷則腠理閉而不通其開而遇風寒則血氣凝結與故之濕邪相襲則風寒濕三氣雜合而為痺矣其開而遇風者以有熱則汗出蓋熱乃火之氣汗乃精血之液因傷其精神是以熱則氣弛汗出而開也汗出則受風雖不遇賊風邪氣必有因加于風寒而馬○任方庵曰賊風邪氣不正之邪氣也風寒天之正氣也因有故邪開而汗出故因加而合為邪病焉○王子方曰風傷氣寒傷神濕傷精蓋風傷衛寒傷榮而寒水之氣又傷心火也濕乃土之邪也故傷腎臟之精是以傷于濕者必為痿厥痿者骨痿厥者腎虛之生氣厥逆而四支清冷也

此人言有故邪而又有新感雖不為痿厥痿者骨痿厥者腎虛之甚而亦足以病也賊風即上古天真論等篇之所謂虛邪賊風也夫以賊風邪氣傷人而至于成者固其常也今有處于屏蔽室穴中而卒然有病則本雖于賊風邪氣而復有此病帝之所以疑也伯言雖非賊風邪氣之甚然亦必有故邪與新感也蓋嘗有所傷于濕氣或因墮墜而有惡血在其中又猝然有喜怒飲食寒溫各失其常所以腠理閉而不通也及

母無同
惡去聲

內之募

原與外

之分肉

相通

肝藏魂

肺藏魄

藏魄而

其脈理開而或遇風寒則血氣凝結與濕氣惡血等之故不相變。如春秋齊師葉苦之囊。則為寒痺。即痺論之所謂寒氣勝者為痛痺也。斯時也正以有熱則汗出汗出則受風。雖不過賦風邪氣必因有所加而病由。此發也。

黃帝曰：夫子之所言者，皆病人之所自知也。其母所遇邪氣，又無怵惕之所志，卒然而病者，其故何也？惟有

因鬼神之事乎？岐伯曰：此亦有故，即留而未發，因而志有所惡，及有所慕，血氣內亂，兩氣相搏，其所從來者

微視之不見，聽而不聞，故似鬼神。

論 此言病在內而傷其精氣神也。故邪留而未發者，留于藏府募原之間，則有傷于氣矣。水之精為志，火之精為神，志有所惡，則傷腎藏之精；心有所慕，則傷心藏之神。血氣內亂，真邪相搏，其所由來者漸矣。

此病氣而不病，形故視之不見，聽而不聞。若有似乎鬼神，夫魂游為神，魄降為鬼。隨神往來，謂之魂，並精而出，謂之魄。精神內傷，則魂魄飛揚，而有似乎鬼神也。

論 此言有故邪而復動於情，故病似鬼神。而非鬼神也。帝疑上文所言為病皆病人之所自知，有等不遇邪氣，無所怵惕，即卒然為病，此必有因乎鬼神之事。伯言久有濕氣惡血等之故，邪留而未發，因病人

素所不知，因而偶有所觸，或好或惡，則血氣相亂，故邪與心志相搏，遂滿為病。此其所從來者，甚微，非見聞之所能及，故人不知其故，而以鬼神為疑，乃似鬼神，而非鬼神也。

黃帝曰：其視而已者，其故何也？岐伯曰：先巫者固知百病之勝，先知其病之所從生者，可視而已也。


張 知百病之勝者，知精氣神三者能勝其百病也。知其病之所從生者，知先傷其精氣神而病之所由生也。可視而已者，先巫之能移精變氣而通神明也。○王子方曰：上古有十三科，祝由乃其一也。先巫者

言上古之能祝由而愈病者，謂之巫。鑿故古之鑿字從巫，非與師巫之賤役比也。南人有言曰：人而無恒，不可以作巫。鑿即上古祝而已病之鑿，非巫鑿之有二也。

論 此承上文而言病之所以祝由而已者，非病之由于鬼神也。夫病既非鬼神，有等祝之而可已者，正以先巫者固知百病之勝，如運氣及藏府相尅之勝氣為病，又知此人病所從生，左傳史蠶曰：神聰明正

直而一者也。今即其病而祝之，遂祐其素善鑿其誠心而病斯已矣。

靈樞經合纂卷六終



H8742

1922

v. 2 no. 15